

劉中丞奏議



聖中感
齋議

光緒十有一年
思賢講舍校葉

劉中丞奏議卷一目錄

署四川藩司到任謝恩疏

補授藩司實缺謝恩請覲疏

瀝情乞退疏

報由川赴陝起程日期疏

籌辦漢南軍務大概情形疏

附調蔣若采等員隨營赴陝疏

附刊刻關防疏

會奏援軍挫衄情形疏

奏漢郡失陷現籌勦辦情形疏

劉中丞奏議卷一目錄

附調副將唐星照募勇赴陝疏

附請飭李雲麟暫駐興安疏

籌辦川省鹽釐疏

附請飭臬司牛樹梅等設局勸辦陝捐疏

附請飭山西派委司道勸捐疏

附調在籍主事余煥文等隨營疏

奏調實缺人員襄理營務疏

陳改駐甯羌調軍進剿疏

附請由李京堂單銜奏報軍情疏

查明漢郡失守情形疏

附催調唐星照來陝疏

附陝省武缺就近酌委拔補疏

劉中丞奏議卷一目錄

二

附陝省武缺酌委拔補疏

附陝省武缺酌委拔補疏

劉中丞奏議卷二

湘鄉劉蓉著

署四川藩司到任謝

恩疏 同治元年正月二十日

奏為叩謝

天恩恭報

微臣

到任日期仰祈

聖鑒事

臣

於咸豐十一年十月十三日接奉督臣行知咸豐

十一年九月十九日內閣鈔出十五日奉

上諭劉蓉著賞給三品頂戴署理四川布政使欽此旋因

臣服

制未闕呈請終制經督臣據情轉奏復於同治元年正月十三

日奉到行知咸豐十一年十一月初二日內閣奉

劉中丞奏議卷一

上諭前因四川軍務未竣需才孔急特將劉蓉賞給三品頂戴

署理四川布政使茲據駱秉章奏轉據該員呈稱墨經入仕恐

悖禮經請俟服闋後接篆等語情詞懇至自難重違所請四川

布政使著毛震壽暫行兼署劉蓉俟明年正月服闋後該督即

飭赴任欽此茲於本年正月十四日服闋十九日准兼署藩

司毛震壽將

敕書印信文卷移交前來當即恭設香案望

闕叩頭祇領任事伏念

臣

蓬葦下士湘楚諸生自揣凡材未敢

妄希平祿仕遭時多故因而濫廁乎戎行無補涓埃頻叨保敘

方慙報稱無似虛邀車服之榮何期

寵遇頻加更

昇屏藩之寄感深鼇戴愧處士之虛聲曲遂烏私廣

皇仁之錫類凡此

恩施之異數皆非夢想所敢期

錫命自

天悚惶無地查四川古稱天府地本沃區自領軍興日形凋替
吏治不勝其蠹弊人心漸卽於澆漓餉糈之轉運方殷庫帑之
度支尙絀舉凡安民察吏理財用人皆當務所宜先實藩司之
專責臣材識迂拘深懼弗克勝任惟有勉竭愚慮益凜冰兢務
潔己以奉公期正身而率屬庶幾剔除宿弊效薄報於毫芒澄

劉中丞奏議卷一

敘官常酬

鴻慈於萬一所有

微臣

感激下忱及接印到任日期謹繕摺恭

謝

天恩伏祈

皇上聖鑒謹

奏

補授藩司實缺謝

恩請

覲疏

同治元年三月初八日

奏爲恭謝

天恩陳請

陛見仰祈

聖鑒事竊臣本年三月初五日接奉督臣行知同治元年二月十三日奉

上諭劉蓉著補授四川布政使欽此當卽恭設香案望

闕叩頭謝

恩伏念臣以菲材罔識時務迺荷

殊寵遽列大藩攝任以來甫逾旬月涓埃無補兢惕方深忽奉恩綸俾除今職斯近時未有之遇實

聖主非常之知而臣才短意長任大責重辰昕秉筆午夜捫心思稍罄其智能冀仰酬夫

高厚凡諸安民察吏理財治軍務挈大綱圖收實效惟際戎馬

劉中丞奏議卷一

三

倥偬之會籌餉維艱當民生凋敝之餘撫循不易每竊愧歎恐負

恩施臣惟有事事稟商督臣勉竭駑駘力肩艱鉅不避嫌怨罔憚勞辛凜楊震四知之箴期諸葛小心之慎必使逆氛埽盪全蜀乂安吏治澄清民風不變庶足以昭

聖朝蕩平之治答

大造陶鑄之殷臣以草茅新進重任初膺深懼弗克稱職伏求

皇上俯准臣赴京

陛見跪聆

訓誨俾得藉爲遵循之軌亦以稍伸瞻慕之忱所有微臣感激

下情謹繕摺恭謝

天恩伏祈

聖鑒謹

奏

瀝情乞退疏

同治元年七月二十日

奏為瀝陳下情籲

賜罷黜以安愚分恭摺仰祈

聖鑒事竊臣以陋質伏處草茅本無用世之心詎有濟時之略

咸豐三年偶隨友朋辦理團練旋赴軍營馳驅戎馬之場周旋

鄂楚之會積時既久未建寸功而臣弟蕃遠殉蒲圻之難心摧

劉中丞奏議卷一

四

意沮負骨以歸咸豐六年欽奉

文宗顯皇帝諭旨飭赴羅澤南軍營襄辦軍務維時臣父年力

衰邁弟葵又復多病侍養無人實亦不忍復出咸豐十年復奉

諭旨命臣募勇六千赴援皖浙時臣新遭父喪自維苦塊餘生

心力凋瘁不堪膺茲重任方赴湖南省城求撫臣據情代奏適

撫臣奉

旨督辦四川軍務奏調臣隨同入蜀臣自知才識凡庸不堪世

用而屢迫

朝命未敢固辭迺為半歲之約期於秋閒遄返蓋謂幕府本無

專職進退得以自由冒禮一行特借以解其抗違

詔旨之愆非有僥倖功名之意嗣茲墨經從事遠涉三巴亦未嘗少出智謀稍有裨益綿州之捷蓋將士血戰之功督臣調度之力臣不過磨盾草檄代司筆札之役至於行軍機宜非能有所贊畫督臣歸功幕僚猥以辱諸薦牘蓋非臣所及知而抑非臣之本志也不期

皇上過采虛聲遽賞臣三品頂戴署理四川藩司聞命震驚罔知所措既屢求督臣奏乞

天恩收回

成命而督臣以謂當

國步艱難之際非臣子退讓之時且值

聖主初基舉行曠典不可不勉承

劉中丞奏議卷一

五

德意援據古誼敦勸再三臣亦竊自思維古聖帝明王之用人

有以漸而進者亦有超然待以不次之位者故唐虞之世三載

考績黜陟幽明而皋夔稷契遽作六官之長三代選法多循舊

章而伊尹傳說呂望之倫崛起草萊遂登輔相至於漢唐英主

延攬豪俊超越等倫雖所舉未必皆賢其用意亦各有在臣誠

不能追媿前哲然嘗博覽詩書粗通經術其心其志不敢有愧

古人顧時局之多艱慨江河之日下過不自量思效愚忠是用

慨然受職而不辭視事以來於今六月雖循分供職幸免愆尤

而誠不足以動人望不足以孚眾吏治之弛廢尙未改於前觀

民氣之凋殘或且甚於曩歲餉已絀而兵不得息竈日增而食無可籌由是釐金捐輸次第舉辦民力既盡尙爲竭澤之漁苛政未除更獎催科之績事非出於不得已情實迫以難堪默自省循方增慚乍頃見蔣琦齡所陳十二策中慎名器一條益爲愧汗悚惶臥不安席臣誠無狀不能少效涓埃仰酬高厚謬竊大位自致煩言迺以曠代之殊知轉成

聖朝之過舉中懷跼踖五夜徬徨若復貪戀

恩榮不急引退將致上貽

聖明之累下增頑鄙之譏遠媿樊英近慙殷浩伏求

劉中丞奏議卷一

六

皇上天恩立賜罷黜俾遂初服以重

朝廷之名器以釋微臣之重負區區私願實用感銘或謂毀譽

無關得失用舍出自

朝廷臣雖被人論列而

聖恩寬大未卽施行不宜冒昧陳情自取咎戾不知黜陟者

皇上之大權去就者臣子之大節使臣尙自信才堪應變力可

匡時卽舍垢包羞固宜隱忍以圖功委蛇以求濟今泣任半歲

厥效茫然成效要歸亦可概見冒禮躁進旣已自失於前勇退

急流庶或補救於後且臣前日冒昧一出固思共濟時艱少抒

素抱非有希榮慕祿之心今旣自覺其無能卽不容一日尸乎

其位既自知其非義卽不能一夕安於其居夙昔讀書粗聞大道豈可自乖素守遠昧初心在

皇上始以臣爲可用而姑試之繼知臣之不肖而亟罷之一舉

一錯廓然至公無傷

日月之明益彰

天地之大而臣得以苟全素履退處山林當更砥礪廉隅博習

經術或者學業終有成就晚節得以保全感戴

鴻施更無紀極所有微臣懣情乞退緣由理合恭摺陳奏伏乞

皇上聖鑒再臣自慙奉職無狀屢求督臣代達下忱未蒙轉奏

情迫意切冒昧自陳不勝惶恐謹

奏

劉中丞奏議卷一

七

按此疏具草求制府駱公代奏未許不得已自繕拜發摺弁行一日矣駱公聞之乃馳檄追還原疏代爲陳奏同治元年

八月十四日內閣奉

上諭駱秉章奏藩司懣情乞退據實代奏一摺據稱四川布政使劉蓉懣陳到任六月於民生吏治挽救毫無默自省循方深慙忤因見蔣琦齡所陳中興十二策中有慎名器一條益爲愧悚請立賜罷黜代爲陳奏各等語劉蓉以湘楚諸生迭經胡林翼駱秉章保奏受

兩朝特達之知不次超擢原與各路軍營濫保驟進者不同姑

無論川省軍務方殷不宜遽行乞退卽以朝廷用人而論黜陟賞罰一秉大公如果其人才出眾不妨破格錄用若以後不能稱職該省督撫既可隨事劾參朝廷見聞所及亦必加以擯斥此中權衡操之自上非臣下所能干預該藩司卽無所用其引嫌所有駱秉章代劉蓉陳情乞退之處著毋庸議劉蓉惟當如常供職盡心地方公事以圖報稱勉爲名臣固不必務退讓之虛文也欽此

報由川赴陝起程日期疏

同治二年八月初十日

奏爲恭謝

天恩兼報

微臣

起程日期恭摺仰祈

劉中丞奏議卷一

八

聖鑒事竊臣於同治二年七月二十八日奉四川督臣行知六月二十九日欽奉

上諭前經諭令駱秉章酌量調派劉蓉前赴漢南督勦著駱秉章仍遵前旨卽飭該藩司督帶嚮導桂宇等營趕緊起程前往並著專摺奏事一俟行抵漢南卽行迅速馳奏等因欽此正在料理起程旋於八月初一日復准督臣駱秉章知照七月二十九日承准議政王軍機大臣字寄同治二年七月初二日奉

上諭前因漢南兵勇統領乏人節經諭令駱秉章調派劉蓉赴陝當此陝南軍務萬分喫緊恐事權不屬呼應不靈是以特授劉蓉爲陝撫該撫身荷厚恩膺茲鉅任自應感激圖報迅速馳

赴漢南整飭諸軍將興漢一帶賊巢剋期攻燬迅掃妖氛至漢
回一事仇釁已深劉蓉到後總當握其要領持平辦理不可稍
涉偏激以副委任等因欽此當卸跡設香案望

闕叩頭謝

恩伏念臣才不逾人學惟白守值時艱而馳驅戎馬遭殊遇而

特畀屏藩

訓以名臣方懷慙於責實膺茲重寄復拜

命於便蕃

寵任逾隆悚惶彌切查陝西爲自古形勝之區巡撫有統轄文
武之責况值漢回搆釁羣盜如毛非飭吏治無以奠民生非開

劉中丞奏議卷一

九

誠心無以孚眾志而臣識闇才拘慮深略短自慙力小懼重任
之弗勝顧念時艱欲疏辭而不敢計惟有勉殫心力務矢公忠
仗

九重赫怒之威同伸敵愾扼百二雄關之險悉鞏

皇圖庶幾大局粗安

宸衷仰慰所有四川藩司篆務現經督臣駱秉章檄委鹽茶道

啟芳接署臣於初六日將經手事件交代清楚募選親兵一千

名卽於八月十二日自成都起程擬由保甯一路馳赴漢南督

率諸軍力籌勦辦誓殲凶醜效薄報於涓埃迅掃櫬槍答

鴻慈於萬一所有微臣感激下忱及由川起程日期理合恭摺

具報叩謝

天恩伏乞

皇太后

皇上聖鑒謹

奏

籌辦漢南軍務大概情形疏

同治二年八月初十日

奏爲籌辦陝西軍務次第先將大概情形恭摺

奏聞仰祈

聖鑒事竊

臣

迭據探報髮逆大股現在漢中府城附近數十里

四面環紮又復分股與中旗餘匪蔓延沔陽一帶藍朝柱

劉中丞奏議卷一

十

一股尙踞洋縣又據藩司毛震壽函稱張第才一股已由西鄉

石泉漢陰等處竄往鎮安曹燦章一股現竄盩厔分股屯踞槐

堰回逆經荊州將軍多隆阿連破堅巢疊受懲創惟西安省城

附近尙有回匪焚掠鳳翔被困業已經年各等語查多隆阿督

師入秦以來肅清同州軍威已振現在籌攻沙河老巢可期得

手臣奉

命由蜀入秦自應先靖漢南以次而北漢中被圍五月糧食垂

盡尤須迅籌進擊力解重圍前經四川督臣駱秉章派出援剿

之嚮導營候補道張由庚現已進次距漢中三十里之雲峯寺

果毅副前營參將劉鶴齡已抵石光坪桂字營總兵朱桂秋亦

進紫錦雞嶺均距漢郡不遠其湘果右軍記名提督甘肅肅州
鎮總兵何勝必中軍記名提督蕭慶高已由南江通江先後進
發計日均抵漢境毛震壽所統之果健營易佩紳一軍聞亦移
紮兩河口其由鄂派往之健銳營因候補京堂李雲麟告假回
旗暫紮興安尙未前進臣奉

旨後遵卽選募親兵星馳前往相度機宜分路攻擊統計所部
會合各軍萬有七千餘人而髮逆大股號稱二十餘萬以之攻
瑕擣隙則兵力不爲不多以之合圍聚殲則亦尙嫌其少該逆
久頓堅城凶鋒已鈍大軍進勦勢將解而東趨或仍由西鄉洋
縣回竄鄖西或更斜趨商洛均未可定李雲麟疊奉

劉中丞奏議卷一

十一

諭旨飭催不拘假限迅赴漢南現尙未據報到營相應請

旨飭令迅速馳抵軍營卽由西鄉會勦以資扼擊將來該逆敗
而東竄卽可責成李雲麟迅率所部督同梁作楫之軍跟蹤躡
勦使該逆喘息不定當可迅圖殲滅其竄赴鎮安之張逆一股
界連孝義商州及湖北之鄖西一帶臣已飛咨署撫臣張集馨
及鄂省督臣撫臣嚴密防勦至中旗餘匪徘徊襄沔之間不與
各逆合隊現在四川派防之武字定武兩軍足資控禦若將來
仰仗

天恩漢郡圍解川中門戶可以無虞卽可調此兩軍尅期會勦
以通襄沔驛路臣俟漢南肅清善後事宜料理周妥擬卽馳赴

整屋勦辦曹逆再赴西安省城會同荊州將軍多隆阿西安將軍穆騰阿等專辦回匪務期分別良莠辦理持平上以彰

聖主捷伐之威下以拯生民水火之厄臣惟有竭盡心力宣播皇仁以期仰副

朝廷眷顧西陲之至意至於賊情詭譎朝夕變更臣隨時斟酌安辦再行馳

奏所有現在規畫大概情形理合恭摺由驛具

奏伏乞

皇太后

皇上聖鑒訓示謹

劉中丞奏議卷一

十一

奏

附調蔣若采等員隨營赴陝疏

再臣現由川赴陝督辦軍務所有行營經理餉需支應軍火以及辦理營務各事宜在在需員勢不能由陝揀調自必仍就川省派往以期迅速而收臂助茲查有四川補用知府蔣若采試用知縣羅鳳岡永甯縣縣丞寇守智候補府經歷汪兆鏞試用縣丞陳錫鬯又湖南候補同知陳元盛已革知府銜候選同知戴齡均經臣札調隨同赴陝分別委用理合附片陳明伏乞

皇上聖鑒謹

奏

附刊刻關防疏

再臣此次繕發摺件係借用四川藩司印信將來一切文移應行蓋用木質關防以昭信守現做刻木質關防一顆其文半滿半漢曰陝西巡撫行營關防卽於八月初六日交卸後開用除咨部查照外理合附片陳明將來奏報軍務可否卽用木質關防印發伏乞

聖鑒訓示謹

奏

會奏援軍挫衄情形疏

同治二年九月十七日

奏爲確查援陝各軍先勝後挫實在情形並將失律將領嚴參

劉中丞奏議卷一

三

以肅戎行恭摺會奏仰祈

聖鑒事竊查漢南援軍失利業經

臣秉章先將大概情形馳奏

在案時臣蓉業於十二日由成都起程

臣秉章當卽飛咨知會

並函屬詳查我軍因何失利詳細實情以憑會辦

臣蓉於八月

二十七日行抵巴州迭據探稱援軍十六日接仗之後陰雨連

綿十九日天色晴霽記名提督蕭慶高率湘果中軍攻油房街

何勝必率右軍攻中所營新補陝安道張由庚所部嚮導營循

左路漢山旁鈔中所營總兵朱桂秋率桂字營由右路鈔油房

街知府易佩紳率果健營攻右路李家街甫近賊卡油房街中

所營之賊如浪翻潮湧而至我軍用連環鎗礮轟斃賊千餘中

有黃衣賊目數人賊陣已亂蕭慶高何勝必長驅直進連拔梅花椿數重距賊巢不過咫尺不意褻沔之賊由新集左路鈔入北岸之賊復由右路鈔來嚮桂健三軍力不能支左路勢尤洶湧嚮導一軍先潰桂健兩軍隨亦奔北該逆復出馬隊數千四面包裹我軍困在垓心血戰逾時始獲潰圍而出退至營盤則兩路包鈔之賊已距營門不遠我軍復分兩路抵敵斃賊數百時已昏暮遂各收隊此十九日先勝後挫之實在情形也是夜賊眾多未歸巢潛伏四面山澗桂健兩軍見勢不利卽於是夜退紮法慈院青石關等處賊知我軍勢孤遂於五更時由右路繞出各軍營盤之後我軍出隊進擊行不數里賊已蜂擁迎拒

劉中丞奏議卷一

十四

四面合圍竭力死戰傷亡相踵至午後始突圍退至營盤而繞出山後之賊已由後營放火於是湘果中右及嚮導三軍遂盡棄帳房輜重且戰且走退紮青石關一帶此二十日各軍力竭陸續退守之實在情形也先是

臣蓉奉

命督師卽慮各軍心力不齊輕進致敗於起程之先四日曾經

檄飭諸軍逼營漢郊堅壁勿戰俟

臣蓉到營後規度進剿乃各

軍尙未接到前檄因見漢郡城圍緊迫糧食垂盡急於一戰以解城圍漢中地勢平衍賊匪馬隊便於馳騁我軍皆係步隊又值久雨四旬泥淖深至尺許不利衝擊賊旣十數倍於我軍知其師無後繼四面包鈔眾寡不敵致此挫敗然合一萬七千餘

眾果使同心合志卽或不能制勝何難固守營壘以遏鴟張乃
傷亡至三千餘人陣亡營官至七八員皆忠義精銳之士近年
楚軍赴援各省屢克大敵頗著聲威實少有如此挫衄之甚
者而漢中城固亦遂相繼失守輿言及此痛憤填膺除由臣秉
章馳檄川東添調勁旅臣蓉派員回楚增募新兵以期重整旗
槍大張撻伐臣蓉暫駐巴州趕辦鍋帳軍裝分致各營俟所調
果後九營到齊卽行統率前進惟此次失律將領若不予以嚴
參無以肅軍律而作士氣查十九日之戰陝安道張由庚所部
先潰總兵朱桂秋知府易佩紳當事勢危急之時不能力戰及
至敗潰之後並不知會各軍拔營宵遁實有應得之咎該三員
均應請

劉中丞奏議卷一

五

旨卽行革職惟張由庚平日尙能撫馭士卒此次實因傷溼病
足未能親自督陣情尙可原易佩紳在漢中軍營年餘備極艱
窘尙能竭力支持仰懇

天恩俯准將張由庚革職畱任以觀後效並准易佩紳畱營効
力以贖前愆記名提督蕭慶高何勝必狃於常勝進攻過銳於
派隊時竟有空壁出戰者亦屬未能持重應請

旨一並摘去翎頂以示薄懲至各營官或有臨陣退縮觀望不
前者應俟臣蓉詳細查明分別懲辦其陣亡之總兵賀蘭桂蕭

慶泗何玉林解洪德副將李凱章參將徐祥秦黃星堂遊擊黎

松鶴守備蕭積蕊千總張大興升用同知蕭積玉等血戰捐軀均請

旨交部從優議卹以慰忠魂其餘傷亡員弁兵勇容俟詳細查明照例辦理所有援陝各軍失利退禁據實嚴參各情理合會銜由驛馳

奏伏乞

皇太后

皇上聖鑒訓示謹

奏

奏漢郡失陷現籌勦辦情形疏

同治二年九月十七日

劉中丞奏議卷一

七

奏爲漢中郡縣失陷賊勢蔓延現籌扼要堵截募勇聚糧徐規進勦謹將布置大概情形恭摺馳奏仰祈

聖鑒事竊漢南援軍失利現經臣查明實在情形會同四川督

臣駱秉章分別奏參在案九月初二日據布政司毛震壽稟報

八月二十日援軍敗退之後僞啟王由南岸回踞漢郡東關二

更時分越城放火城遂不守旋據代理西鄉縣知縣陳爾第稟

報郡城失後南鄭縣知縣周蕃壽殉難守城將弁兵勇四散潰

逃該逆旋撲城固縣城亦於二十四日失陷等語查漢郡被圍

半載忍飢待援卒陷於賊滿城士庶豈有子遺聞之實深痛憤

溯自羣賊竄擾漢中屢塵

聖慮始派李桓督辦適以病辭繼派李雲麟前征忽遭母喪展轉耽誤賊勢愈張臣追奉

命督師倉皇就道方冀仰仗

威德立解倒懸不謂臣未出疆聲威先挫遂使名城瓦裂逆焰鴟張凡此事機之不順若有非人謀所能及者然推其所以致敗之由實有數端何者漢南賊眾二十餘萬西自略陽東至洋縣綿亙二百餘里所謂率然之勢進剿之法宜分三路一由甯羌以攻襄沔一由西鄉以趨洋縣一由南通逕搗漢中三路同時並舉則賊勢分而首尾不能相顧今僅以一軍獨進使賊得招集羣凶四面包裹此處於必敗之勢者一也大凡以少擊眾

劉中丞奏議卷一

十七

之道總須先得地利憑藉虛聲而又出奇以制之漢中地屬平原無山林爲之障蔽我之師徒多寡營壘布置賊可一望而知孤軍遠出師無後繼則賊膽愈壯士氣先餒况又以步卒當騎隊用所短以敵所長此處於必敗之勢者二也軍行以糧爲先人情爲食是亟近派各軍援陝大都視爲畏途以彼中米粟無多又遭逆蹤蹂躪川北一帶糧食本少值秋潦歉薄價值彌昂兼之山徑崎嶇轉運尤苦每夫負米二斗日行不過二三十里或值水潦載途怨咨盈路統計運米一石需費至十餘兩之多臣前在川藩任內特請督臣奏設糧臺代籌運費以示體卹然軍士每食陽芋包穀或竟日不得一飽士有飢疲之色日聞

嗟歎之聲而欲責使負盾前驅枵腹出戰此處於必敗之勢者三也此三敗者臣與督臣駱秉章早慮及之故於三四月間既經奏派張由庚朱桂秋率師赴援而復檄使暫紮邊境須俟鄂師西上會合夾擊及至石逆就俘蜀境稍靖又復添派蕭慶高何勝必兩軍然猶戒以勿得輕進冀俟鄂軍到後仍爲三省會勦之謀迨聞漢中城圍孔亟

皇上焦勞倍至而李雲麟假期已滿杳無來音不得已檄催前進亦計楚軍久著聲威姑使冒險以出不謂事機敗壞果至如斯雖人謀未盡協宜亦實由時勢迫而致之耳現值軍威挫損賊勢猖狂不得不急圖挽救而補救之法亦惟力鑒前車覆軌

劉中丞奏議卷一

六

避短用長仍圖三路進勦之規庶期轉敗爲功卒操勝算惟餉源乏竭無鉅款可資轉輸精銳銷亡非倉卒所能召募旦夕慮此焦灼殊深比接各處探報襄沔西鄉一帶賊氛密布並據毛震壽稟稱八月初九日中旗髮匪竄近略陽代理知縣劉希寬督團禦之於閣道嶺被賊兩路夾撲力竭陣亡並聞徽成階文均有賊蹤竄越是不獨已陷各城一時難於收復卽附近興漢州縣亦有岌岌可虞之勢現據各營稟報近日漢郡賊眾四出日向通江南江毗連之龍池場黃官嶺紅廟塘天明寺二郎灞彭灞高家嶺一帶擄糧裹入意圖窺伺該處山谿小徑處處可通萬一闖入川疆則川軍勢須回顧漢南軍務益復無從措手

臣現督飭諸將收集殘卒分隘嚴防並檄毛震壽將兩城潰卒悉數妥爲資遣易佩紳所部八營亦飭大加裁汰以免虛耗餉糈一面函催李雲麟迅率所部水陸各軍由鄖陽逕趨西鄉會商分途勦辦之略一面派員回楚募勇三四千名部署訓練以期迅成勁旅惟由蜀抵湘往返八九千里計須臘底乃可取齊兼聞苗逆擾及裕州鄂邊戒嚴李雲麟之能否會師西鄉尙難預定則將來三路進剿之謀仍覺虛懸無著臣擬俟所調果後九營到後親自統率進駐青石關激勵諸軍先固川疆門戶徐爲相機勦之計並檄署漢中府知府楊光澍設法採運米糧以供各軍日食伏乞

劉中丞奏議卷一

九

皇上敕下湖廣督臣官文湖北撫臣嚴樹森迅催李雲麟裹帶行糧沂流西上以符三省會剿之議以定三路進兵之規現值中旗髮逆竄近階文周達武曾紀鳳兩軍祇可嚴防川界襄沔一路尙屬無兵可籌將來臣與李雲麟分道掎角勢未宜相距太遠一切進止機宜尙須熟商妥籌以期穩固萬一李雲麟又復回顧楚疆不能來陝會剿則臣不宜更以孤軍獨進致賊得左右包繞仍蹈前日已覆之轍惟當咨商督臣酌畱四五千人分防青石關而自率萬餘人改由廣元趨甯羌以圖襄沔庶期步步爲營節節痛剿尙有可圖之功且係通驛大路米糧可用驟馬馱運較之南通僻徑稍覺便於轉輸此臣現籌布置進剿

之大略也臣本庸材過蒙

栽植甫膺重任遽履艱屯一切籌餉籌兵皆不能不仰恃乎蜀所幸督臣駱秉章忠誠懇至各司道與臣同寅日久心志成孚於所擬籌餉事宜度必能竭力籌辦臣苟得專意治軍不以餉頂乏缺爲慮則殫竭智力不憚艱辛終亦必有殄除凶殘廓清疆宇之一日惟臣旣身任封圻於陝西通省事宜責無旁貸而道路梗阻聲息苦不相聞伏祈

皇上敕下署撫臣張集馨於一切應辦要務實心整頓竭力經營勿存五日京兆之見或司庫稍有存款仍卽撥濟臣軍荊州將軍多隆阿忠勇絕倫勳名夙著所有勦辦叛回事務自可獨

劉中丞奏議卷一

二十一

力承當如其兵力尙厚或更分撥馬隊千餘名駐紮畱壩以遏該逆北窺之路亦可少戢凶鋒將來臣或改趨襄河仍可約會夾擊先將驛路疏通實於通省機局裨益爲大伏候

聖裁至南鄭縣知縣周蕃壽督勇守城殫心勞慮臨難之際大節凜然應請

特恩優加褒卹以勵頑懦而慰忠魂代理略陽縣知縣劉希寬與賊捐軀應請

旨交部照例賜卹其餘文武各官容俟查明下落再行據實具奏所有漢郡失陷現籌扼要堵截徐規進剿大概布置情形理

合恭摺由驛馳

奏是否有當伏乞

皇太后

皇上聖鑒訓示飭遵謹

奏

附調副將唐星照募勇赴陝疏

再查江西袁州協副將唐星照忠勇奮發紀律嚴明前在川中屢著戰績堪勝統將之任該副將籍隸衡陽經臣札飭就本籍衡湘一帶招募勇丁二千名分作四營選派營官百長統帶來營以備調遣惟係實缺人員相應請

旨敕下江西撫臣沈葆楨湖南撫臣惲世臨催令趕緊募選成

劉中丞奏議卷一

五

軍迅速起程其所需鎗礮軍裝各項倉卒製辦恐難適用應請由湖南軍需局撥發該副將承領以利軍行而資攻剿理合附片陳明伏乞

聖鑒飭遵謹

奏

附請飭李雲麟暫駐興安疏

正封摺間接據署興安府知府謝復榮稟報前聞李京堂雲麟有由鄖陽進剿張逆再赴漢南之議迄今未聞到鄖鄂省所派援陝之義勝三營現今兩湖督臣調回又據布政使毛震壽稟稱湖北管帶水師駐紮興安之候補知府周有全連得襄陽道

歐陽正鏞來牘言苗逆擾近南陽襄江戒嚴飭令返棹回楚等語查湖北苗逆逼近邊陲事勢如果緊急自不能不回顧疆圉惟興安地屬要區所屬州縣如漢陰紫陽石泉各處均與洋縣相距不遠若無得力將領駐紮防剿將被該逆次第蠶食現值援軍新挫之餘兵力斷難兼顧查李雲麟所部係奉

特旨援陝之師卽不能與_臣併力會剿亦當令暫駐興安徐規進步萬一_臣襄實在喫緊卽請暫移梁作楫一軍與之對調分防庶屬縣可期瓦全大局不致決裂謹復附片陳奏伏乞皇上聖鑒飭遵謹

奏

劉中丞奏議卷一

同治二年九月十七日

籌辦川省鹽釐疏

奏爲籌辦川省鹽釐應由井竈抽收謹條析大概情形請

旨飭辦責成以裕餉源而資接濟事竊_臣於巴州途次接准四川總督臣駱秉章咨開同治二年八月二十日承准議政王軍機大臣字寄同治二年七月二十一日奉

上諭毛震壽請於川楚借地抽釐以裕秦餉所陳艱窘各狀尙屬實在情形不得已而籌及川鄂兩省借地抽收鹽貨兩釐以爲接濟之策或當有濟卽著官文嚴樹森駱秉章按照所奏竭力籌辦嚴樹森籍隸秦中陝餉但有可籌之法諒無不盡力辦理四川臬司牛樹梅候補知府蔣若采亦各籍隸陝甘並著駱

秉章飭令隨同辦理以冀有成等因欽此查陝西南北兩山概屬瘠區鳳翔亦半係山地獨西同兩府地勢平行民物殷繁惟向以商賈爲生但藉居積致富故雖素稱聚財之區實少生財之法年來回逆滋擾又值髮捻鴟張遠近騷然死亡相繼所在州縣斷絕人煙廬舍成墟旣無可捐之富戶商賈裹足更無可抽之釐金凡屬近年籌餉之法概皆無從設施瑛棨之一籌莫展毛震壽之師久無功推其所由亦未嘗不因軍餉太絀之故現值官軍潰敗之後重製軍火鍋帳遣散潰卒召募新軍需費尤鉅

皇上洞見陝省艱窘情形

劉中丞奏議卷一

三

諭令川鄂兩省竭力籌辦除鄂省貨釐經臣恭錄

諭旨咨商兩湖督臣官文湖北撫臣嚴樹森酌量增抽盡力辦理外至川省鹽釐一項查閱藩司毛震壽原奏據稱川省辦理抽釐或傍關或就廠查明官鹽餘鹽分別抽取擬請酌加其半專顧陝省軍餉等語亦係仍照現辦章程酌量加增臣在川藩任內一年有餘訪查情形知各廠鹽筴之利井竈實居其源而商販特承其流蓋川省鹽出於井井資於竈井以水之鹹淡定鹽質之厚薄竈以鍋之大小定鹽飭之多寡其按引配鹽者名曰官鹽協濟楚省者名曰餘鹽官鹽則有行商坐賈之分餘鹽則無論何項客商皆可販運而井竈則乘鹽之或滯或銷以低

昂其價值故有虧本之商人從無歇業之竈戶向來辦法僅抽官鹽餘鹽從未議及井竈臣嘗擬倣唐臣劉晏就場起課之意倡爲按鍋計鹽按鹽定釐之議未及舉行緣井竈散處四鄉稽查不易惟照州縣編聯保甲之法派委官紳分別地段查明竈戶姓名開列籍貫懸諸門首注名某戶有竈若干有鍋幾口核計每日所出之水所煎之鹽約可賣銀若干即可按其數目以定抽釐之多寡每十戶令出具連環保結官紳不時稽查如有一家偷漏責使九家連坐初辦頗費曲折而辦成之後即可一勞永逸較之傍關就廠專取之於商販者更可收實效而無窒礙此就井竈抽收之法也溯查湖南抽釐章程每百貨資本銀

劉中丞奏議卷一

三

百兩約計抽銀三兩嗣因協濟江南大營軍餉添設東征局又議加抽釐銀三兩共計每百兩抽銀至五六兩之多而商販踴躍並無阻礙卽湖北所收每百兩亦約計抽銀三四兩不等現在下游水陸各軍卽恃此項接濟查上年川省舉辦鹽貨兩釐核計所抽不及一兩較湖南北所抽之數多寡已屬懸殊茲則取諸從未議抽之井竈於商販毫不加增而各井竈戶因鹽致富享利已久如能曉以大義獎以商學度無不樂於從事統計川省各廠井竈秦人十居七八蜀人十居二三今既就竈戶注明籍貫卽可分別秦蜀兩商辦理如所抽係秦人資本者卽歸陝餉所抽係蜀人資本者卽歸川餉則於變通之中仍寓兼顧

之義實於秦蜀兩省均有裨益總之陝西糜爛已極無款可籌非藉資於鄰封別無良策但理財貴乎有法而行法全在得人該藩司原奏欲圖遠略難計近功不在事之成不成須問事之辦不辦實爲扼要之論四川督臣駱秉章公忠體

國出於至誠現經欽奉

諭旨必能竭力籌辦臬司牛樹梅秉性誠篤籍隸陝甘旣奉

旨隨同辦理自屬義無可辭臣伏查署四川藩司啟芳明白精

細現在總理藩條專司會計鹽道是其本任尤覺熟悉情形署

四川鹽茶道吳鎬練達深穩井竈係所統轄呼應亦較靈通相

應請

劉中丞奏議卷一

五

旨添派啟芳吳鎬隨同督臣督率舉辦遴委廉幹官紳詳定章程各分段次第舉行惟事涉創始極費經營而大利攸關人所共競則劣紳之從旁撓阻奸商之暗中把持亦將噴起煩言紛紜多故非任事者關懷大局竭力主持不存畏難苟安之心不避流俗怨謗之口實難期其有成當茲時局艱難軍食匱竭籌餉之事難於籌軍如能歲籌二三百萬以實軍儲不惟秦蜀實資其利我

國家將永賴之將來該司道不避勞怨辦有成功尙祈

皇上逾格優獎賞以勸忠勤蕭何饋餉之功嘉劉晏轉輸之績

皆所以贊成

帝業佐助

中興伏祈

敕下四川督臣飭派籌辦委任責成此舉有益於國無病於民臣之區區愚忱亦非獨為陝西一時計也所有籌辦川省鹽釐應由井竈抽收以裕餉源而資接濟緣由理合附驛馳奏是否有當伏乞

皇太后

皇上聖鑒訓示飭遵謹

奏

附請飭臬司牛樹梅等設局勸辦陝捐疏

劉中丞奏議卷一

三

再臣前在川藩任內會同臬司牛樹梅設局委員勸辦陝甘山西等省捐輸計先後收捐銀十餘萬兩陸續撥解陝省及漢南軍營業經四川督臣駱秉章附片

奏明在案現在陝西軍務喫緊籌餉維艱井竈鹽釐試辦尚須時日惟續行勸辦山陝捐輸可資接濟查川省上年辦理湖廣江西等省捐輸為數均至五六十萬之多山陝富商甲於他省何至反形短絀比嘗細加訪察始知各處富商尚多漏未書捐亦有資本甚豐書捐太少之戶現經臣擬就章程四條咨商督臣駱秉章飭派署鹽茶道吳鎬會同署藩司啟芳臬司牛樹梅妥籌辦理並檄飭籍隸陝西之四川升用同知梅錦堂署成都

縣知縣霍爲棻太平縣知縣吳培棠商人二品職銜陳鴻啟隨同襄辦庶期集成巨款藉濟急需值所遇之多艱冀藉資於羣力合併附片陳明伏祈

聖鑒飭遵謹

奏

附請飭山西派委司道勸捐疏

再陝境疊遭蹂躪籽柚一空專仰給於鄰封誠屬萬不得已之計川省接濟援陝各軍爲數已鉅鄂省亦有援陝之師餉項軍火均應由該省籌撥所費亦殊不貲而臣所部兵勇月需口糧現又製辦軍火派員回楚募勇以期澈底整頓一切需用經費

劉中丞奏議卷一

七

本地無可綢繆省城不能接濟兼之漢中城固潰散之卒數逾三萬既屬不能得力而欠餉至五六十萬之多或遣或畱需款尤鉅臣自受任之後晝夜焦思無可籌畫惟山西素稱繁富又屬完善之區近年撥供

京餉協濟鄰封爲數已覺不少查該省地丁錢糧河東鹽課入款頗鉅出款亦多或有不足則隨時取給捐輸故常覺充然有餘山陝地屬毗連不得不借圖挹注又去年回逆滋事西同鳳各屬富戶多半遷居山西蒲解平陽各府縣迹雖同於轉徙家仍擁夫厚貲亦應誼切梓桑共相輸助惟委員勸辦必須董率得人查山西藩司鄭敦謹持躬廉慎辦事認真冀甯道王溥老

練精細籍隸陝西合無仰懇

天恩敕下山西撫臣英桂派委該司道專司其事遴選廉幹得力之員分途勸辦一俟收有成數隨時撥解行營但餉項尙有來源則軍威不難再振伏乞

皇太后

皇上聖鑒飭遵謹

奏

附調在籍主事余煥文等隨營疏

再臣行抵巴州延攬紳耆徧加訪察查有在籍禮部主事余煥

文品正學純通達時務前任陝西淳化縣知縣唐正恩性情敦

劉中丞奏議卷一

三天

樸任事實心該二員世居川陝交界地方於地利民情最爲熟

悉而余煥文辦理團寨事宜井井有條才望尤著相應請

旨准臣咨調赴營以資相助而備差遣伏祈

聖鑒飭遵謹

奏

奏調實缺人員襄理營務疏

同治二年九月十七日

奏爲軍營襄理需人援例奏調實缺人員仰祈

聖鑒事竊維募兵在乎選將治軍貴乎得人任用苟得其人軍

事自有起色轉敗爲功轉危爲安全係乎此臣現効失律之將

弁汰懦怯之勇丁又復添調勁旅增募新軍期成節制之師用

捷鷓張之寇調度一切襄理需才陝西官員賢否臣尚未履任無從周知又值道路阻隔札調亦難卽至不得不就素所深悉者就近

奏調查現任四川資州直隸州知州黃濟才識明敏諳悉戎機思慮既極周詳籌畫尤能慎密以之總司營務定能經理裕如惟查咸豐十一年六月吏部議定章程嗣後直隸督撫及各路統兵大臣如因督帶兵勇需人奏調他省有印之官者務於奏調摺內聲明請

旨飭下該管上司查明委無處分虧空方准給咨前往如查有脫卸苦缺規避處分虧空未交代未清等類無論有何才能概不准派令前往等因奉

劉中丞奏議卷一

二九

旨通飭在案茲查該員任內並無處分虧空以及脫卸規避情事與例尙屬相符合無仰懇

天恩俯念臣營襄理需人

敕下四川督臣速卽委員接署卽令該員交卸來營聽候差遣俾臣獲收指臂之助實於軍務有裨理合援例聲明恭摺具奏

伏乞

皇太后

皇上聖鑒謹

奏

奏爲漢南賊蹤紛擾楚軍扼守川疆及各州縣防剿情形現籌改駐甯羌俟調集各軍分路大舉以靖逆氛恭摺由驛馳奏仰祈聖鑒事竊漢南自援軍挫退賊勢蔓延業經臣將扼要堵剿布置大概情形陳奏在案嗣據探報僞端王藍成春僞扶王陳德才僞遵王賴文光等分踞漢郡城固兩城僞啟王梁成富分踞新集黃官嶺一帶其左隊僞天將馬士榮倪隆淮右隊范大頭等分竄西鄉前踞褒城之易矮子分竄畱壩等處藍朝柱仍踞洋縣分股竄陷佛坪張第才自鎮安竄陷山陽李雲麟前軍小挫現督各軍勦辦計可得手中旗一股自八月攻陷略陽後擾

劉中丞奏議卷一

三

及鳳郿經西安將軍多隆阿派兵擊敗與曹逆合股回竄甘肅之兩當徽縣延擾西河秦州禮成曹逆敗竄餘黨半合中旗半由甯陝廳界竄合藍逆此兩月以來各路賊匪紛竄之情形也

臣自抵巴後嚴飭各統將分守川隘並檄漢南州縣激飭團練扼要堵截旋據代理西鄉縣知縣陳爾第稟稱該縣城池自上年五月被賊轟陷卽在堰口駐紮本年九月初四至初十日該逆連次攻撲勢不能支退紮司上汛十月二十八九日該逆由峪口老寨子等處竄入陳爾第派管帶蔣正光督隊迎剿生擒長髮老賊何大興彭金福二名奪獲賊旗數桿該逆由山後竄去等語又據石泉縣知縣陸堃稟稱九月二十一日該逆竄

踞茶鎮知府周有全率同千總劉發親督水軍身先士卒晝夜
鏖戰擊沈賊船一隻燒燬二隻斬獲長髮多名該逆復由陸路
麇集陸壘密飭附近團寨俟礮船於四更時候駛至茶鎮北岸
轟倒該逆所樹木檔各團寨卽四面舉火開礮應之聲震山谷
該逆不測我軍虛實昏夜狂奔自相踐踏周有全舍船登陸追
至老龍洞膀被鎗傷不退該逆由高川繞熨斗壩竄去遂將茶
鎮收復十月初九日該逆折回高川於馬家寨伐木紮籬意圖
偷渡經陸壘派守備蕭祿等督帶獵勇隨同周有全擊燬賊籬
該逆仍卽竄回又曹逆餘黨由甯陝竄該縣兩河口均經團練
擊退各等語此外如定遠廳之羅陣壩大市川紫陽縣之臘溪

劉中丞奏議卷一

三

場漢王城漢陰廳之雪窩均有賊股分竄擄糧該地方官督率
團練堵禦尙能扼截此漢南一帶州縣派團防勦之情形也至
川援各軍分駐青石關梅子壩一帶九月初九日賊自新集來
撲我軍出隊迎擊小有斬獲十月十四日果健一軍裁撤該逆
進逼法慈院意圖乘隙竄入蕭慶高何勝必等派兵先扼花石
梁該逆偵知有備登時退去十九日新集之賊繞赴梅子壩逼
圍朱桂秋營盤我軍開礮轟擊該逆抵死不退自辰至酉以火
蛋轟斃紅衣賊目數名又密派左右兩營出隊橫截而出該逆
始行敗退我軍追至關家砦斃賊數十名生擒十餘名自是賊
亦不復來犯矣青石關一帶地勢高峻八月卽已降雪十月以

後冰霰堅凝寒風刺骨各處米糧不能轉運營中往往斷炊不得已退紮川陝交界之西河口大壩等處以就糧運該逆見我軍不戰而退莫測所爲亦遂退駐新集油房街老巢於是黃官嶺法慈院紅廟塘牟家壩等處均無賊蹤此又援軍扼守川疆之情形也伏查該逆自踞漢郡以後其餒益張其黨愈盛實計二十六七萬人密布分屯綿互二百餘里然眾雖多而不整諸酋爭相雄長急則相救緩則相圖故其勢尙非難破之賊以臣竊自度量尙得精兵三萬人籌備半年之餉必能殲醜類而振國威今駐巴已逾兩月未敢遽爾前進者實緣兵力尙單餉精無出不得不持重以待之查從前川援四軍合易佩紳之果健

劉中丞奏議卷一

三

八營共一萬七千餘眾今旣將果健嚮導兩軍裁撤存者不過九千餘人湘果兩軍向稱精銳前次之挫自總兵副參游以至千把陣亡者二百三十餘員銳氣太傷驟難復振果後九營四千餘人近始陸續到巴合臣所募親兵各營統計一萬六七千人以之共當一路則聲勢頗壯而以分作兩路則亦尙嫌其單從前漢中城固防兵不下三萬餘人合之川援各軍數近五萬祇以孤軍遠出一蹶難振今兩載旣爲賊踞主客之勢今昔懸殊而漢南各路潰軍均已一律遣散誠不宜更以一路獨進致蹈前日已覆之轍此所爲審顧而遲回者也臣前陳三路進兵之策一由西鄉以趨洋縣一由南通逕搗漢中一由甯羌進規

褒沔自西鄉出者向恃鄂援一軍今梁作楫之凱字營及周有全之健捷水師均經該省調回李雲麟毅健一軍又因會剿山陽未能尅期抵漢則西鄉一路尙屬無兵由南通出者現有湘果桂字各軍而道途險阻米運艱難且慮該逆左右包鈔故暫尙宜防而不宜剿臣竊詳度地利熟審兵機惟有仍查前奏親率所部及果後九營進紮甯羌徐規勦辦以取建瓴之勢頃據周達武飛函馳報南岸之賊忽竄出漆樹壩鐵鎖關距甯羌僅數十里想因南路防兵厚集避實擊虛又伺西路之隙等語查該逆既趨甯羌自應迎頭截擊且慮中旗與之合股尤宜兼顧並籌現已檄飭參將劉鶴齡知縣黃鼎等先率所部千餘人進

劉中丞奏議卷一

三五

紮黎坪以防竄越臣亦卽督率各軍陸續由廣元進發一切進止機宜容俟到甯羌後規畫陳奏此現籌改駐甯羌徐規勦辦之情形也至於悉師大舉亦惟仍循前者三路之規查太平城口一帶前經四川督臣駱秉章調參將唐大有之二千人前往防堵比又檄飭川東鎮唐友耕添募二千與綏定府知府唐炯協守計臘底准可到防李雲麟會剿山陽之後計亦不過春初可由興安進趨石泉一帶該軍到後臣擬咨商駱秉章派撥唐友耕等四千餘人與李雲麟所部五千餘眾會趨西鄉以圖洋縣是爲東路進剿之師新調四川藩司江忠溶前在皖省本有楚勇二千聞將率以入蜀計亦不過正月可到該藩司久歷戎

行頗熾兵略俟抵蜀後臣擬咨商駱秉章飭令逕赴南通會同何勝必蕭慶高朱桂秋各軍仍由青石關逕搗漢中是爲南路進剿之師至臣所調唐星照曾傳道兩軍現經奏請

飭催臣亦派弁回南敦促計亦不出春仲當可募集新軍前赴臣營卽由甯羌進規褒沔是爲西路進剿之師此三路總於來

春正二兩月先後取齊則三月以內可期大舉尙賴

皇上威福諸軍併力要不過兩三次大戰卽可掃盪逆氛惟城

太南通各軍本以防守川疆爲主若非臣與李雲麟兩軍悉集

計可尅期會師卽亦未宜先撤藩籬其中緩急先後之宜臣總

當與駱秉章統籌熟商而後決策定計事有迹若迂緩而效反

劉中丞奏議卷一

三十四

神速者誠不宜見小利急近功兵法所謂巧遲不如拙速皆出

於理與勢之自然臣旣奉

命督師責無旁貸值此餉項支絀早完一日軍務卽可少籌一

日餉糈而揆度事勢有不能不堅忍以待時持滿而後發者用

敢直陳以紓

聖慮至於賊情變幻旦暮改觀臨機應變之方又當隨時酌定

非可預期而逆計也至興安一府以石泉爲屏障茶鎮一處又

興漢之咽喉知府周有全督帶礮船扼賊下竄石泉縣知縣陸

望聯絡團練並力堵剿均屬著有微勞除周有全一員業經署

撫臣張集馨奏保外合無仰懇

天恩可否將升用同知直隸州石泉縣知縣陸堃

賞加知府銜守備蕭祿以都司升用都司銜千總劉發以守備仍歸湖北補用以示鼓勵之處伏候

聖裁其餘出力員弁紳團容俟擇尤彙案保獎所有楚軍扼守川疆及漢南各州縣堵剿情形並臣現擬改道甯羌剿辦俟調集各軍分路大舉各緣由理合恭摺由驛馳奏伏乞

皇太后

皇上聖鑒訓示遵行謹

奏

附請由李京堂單銜奏報軍情疏

劉中丞奏議卷一

三五

正繕摺間接據候補京堂李雲麟咨稱十月二十四日業將山陽縣城克復旋即親率飛捷營追至竹林關瓦房灘等處去豫境僅百餘里因念西路事急當將商州一帶交總兵藍斯明勦辦李雲麟於二十六日回抵山陽由鎮安所屬之七里峽米糧川取道蜀河前赴興安以圖進剿等語查李雲麟所部毅健及義勝澄漢隴軍合計不過五千餘人獨當東路與賊勢眾寡懸殊臣方慮其兵力過單擬咨商四川督臣駱秉章令川東鎮唐友耕所帶振武軍與之會合惟振武僅止四營其增添之軍尙未募齊驟難出境會師此時李雲麟自未便以孤軍深入查興安以石泉爲門戶茶鎮爲咽喉臣擬咨會李雲麟暫駐石泉葦

鎮扼賊下竄一俟諸軍取齊約期共進以期慎重惟將來川省
援軍分西南兩路進剿則東路更形喫重鄂省前派駐紮興安
之水陸兩軍均經陸續調回現在逆捻張總愚大股既經擊退
應請

敕下湖廣督臣官文湖北撫臣嚴樹森於該省各營抽調一軍
仍駐興安專防該逆回竄鄂省之路以免疎虞而期聚殲再
赴甯羌與李雲麟相距較遠文移往返動須月餘所有東路軍
情應請暫由李雲麟單銜奏報以免遲誤是否有當伏乞
聖鑒飭遵謹
奏

劉中丞奏議卷一

奏

查明漢郡失守情形疏

同治二年十一月二十二日

奏爲遵

旨查明漢中城固失守情形遣散潰卒並將滋事勇丁失律將
弁分別參辦恭摺奏祈

聖鑒事竊臣於同治二年十月二十九日在四川巴州營次承
准議政王軍機大臣字寄同治二年九月二十日奉

上諭漢中城固失守情形據張集馨所奏何以毛震壽與川將
所稟互爲歧異究竟該城是否爲賊所踞漢郡人民曾否潰圍
而出盧又熊何以開門出走現往何處迅速查明等因欽此查
漢南軍務之壞不壞於賊股之多而壞於遊勇之雜漢中城固

之陷不陷於賊蹤之蹶至而陷於兵勇之先逃推原其故由於賊股紛集任事者急不暇擇不籌餉源所自出但思添勇以自強餉日絀而勇日增所收者又多游惰奸猾之徒漢中則有副將盧又熊之眾萬餘人及訓導魯炳塏副將徐邦導都司穆懷德護理漢中鎮漢鳳營游擊陳天柱等所部各軍城固則有代理知縣張開鑿所部保捷營已革知州袁昌鵬所部靖逆營及副將王其發白鳳鳴游擊楊發祥都司胡尙瀛等所部奇勝定洋振威定南建威靖南各軍其在青石關一帶與川軍會合進勦者則有知府易佩紳所部果健一軍統計不下三萬餘人各軍名目至二十餘項之多積欠月餉至五六十萬之巨臣受

劉中丞奏議卷一

三七

命之始卽慮將來散勇之難甚於勦賊蓋因勇數太濫而欠餉太多既不可驟繩以法又不能概結以恩則威惠皆窮於用也盧又熊自同治元年十一月到漢中後小有斬獲動輒冒功脅賞旋與團民爭鬪擅殺前任山東青城縣在籍知縣高化鵬經城固縣文運熙驗明在案本年二月髮逆分撲該營立卽潰退六月以後在城按戶按糧居民不堪其擾八月二十日川援各軍挫退護漢中鎮陳天柱登陣痛哭誓眾固守是夜盧又熊率眾二千餘人奪門而出居民見賊匪入室猶誤認爲勇丁按掠之常城遂不守陳天柱被執罵賊不屈而死候補知府署南鄭縣知縣周蕃壽亦全家殉節盧又熊行至漢岸無船可渡其黨

四散廬又熊亦不知實在下落此漢中失守廬又熊開門出走之實在情形也城固各軍向惟保捷一軍駐紮城內其餘均紮城外漢中失陷之後零星騎賊漸至知州黃傳紳與在籍候選知縣王佶等議令白鳳鳴所部入城協同守禦而靖逆奇勝兩軍爭搶而入各營無賴之徒藉口無鹽紛赴公局滋鬧奪去局存銀錢隨至當舖捲搜衣物而城外各營亦紛紛入城搜括彼此攘奪均於二十一二三日陸續潰逃有運投入賊中者賊初至僅四五騎速二十四日大隊始至此城固失守之實在情形也當賊未入城之先兩城百姓乘亂逃出者甚多惟老弱殘病者多不得出賊亦但以飽掠爲事不甚殘殺當時川將與毛震

劉中丞奏議卷一

三

壽各據傳聞之說具稟是以彼此歧異伏查川援各軍既經挫退漢中城固勢本難支但賊匪尙未撲城勇丁率先逃散甚至劫掠居民乘機肆搶其行徑與賊無殊實堪痛恨臣以此等兵勇本無敵愾之心徒增地方之害潰逃之後萬不可復加收錄因嚴飭各州縣勿許再畱其有聚集各鄉場地方者亦經派員陸續遣散果健一軍視各軍較爲得力惟其中品類頗雜勇怯相半又欠餉至二十六七萬時復譁諫誼鬧亦有估買掠割之事臣訪聞後知其驟難整頓因檄易佩紳相度事勢緩急分起裁撤量給盤費其欠餉最多者令其作爲捐項分別多少賞給六七八九品功牌頂戴以慰安之乃易佩紳辦理太驟其營官

胡得和平日不洽勇心開導又不得法致各勇藉詞鼓譟與差
弁周宗健同被戕害易佩紳因所紮法慈院逼近賊巢恐其眾
句結內犯遂於十月十四日拔營前來巴州眾口紛紛以索給
欠餉爲詞臣一面派隊彈壓戢其不逞之志一面傳集該軍各
營官曉以利害責以大義並查出倡首滋事之勇目陳良棟羅
占標等拏獲正法梟示營門又就其中挑出精壯可用者精選
六七百人另立營官管帶其餘三千餘眾悉數分別道路遠近
量給川資遣回本籍於是漢南各軍勇丁一律遣撤完竣竊維
治軍之道以申明紀律爲先馭眾之方以選擇將領爲急將領
非才則兵徒多而不能制紀律不嚴則兵雖強而不可用臣非

劉中丞奏議卷一

三

不知賊眾我寡正宜厚集兵力而併舉漢南數萬之眾悉去之
者亦以軍政久弛士氣日靡勢非一時所能振刷况經屢潰之
後動藉欠餉爲詞既難倚爲腹心更慮患生肘腋是以決計遣
撤今幸內患既弭軍令稍伸臣乃得壹意籌軍專心討賊惟各
將領均有管帶之責既不能固守城池又復任聽勇丁搶掠潰
逃不能約束禁阻實屬咎無可辭副將盧又熊情節較重應請
旨卽行革職並

敕下陝西四川湖北各省一體嚴拏務獲就地正法以昭炯戒
副將徐邦導副將陝西略陽營遊擊王其發副將用四川督標
都司白鳳鳴都司穆懷德四川儘先遊擊楊發祥儘先都司浮

圖關汛千總胡尙瀛南鄭縣訓導魯炳塏四川太平縣拔貢賴
春山守備顏作棟張宜華千總童正國已革直隸州知州袁昌
鵬均請

旨一並革職拏問惟代理城固縣候選知縣張開鑒本由原籍
湖南領咨赴京會試行次河南遇捻匪阻隔折由襄樊繞至漢
南適值城固知縣文運熙病勢垂危藩司毛震壽以行營無員
可委權令代理接辦未幾城池遂失情較可原應請革職畱營
以觀後效候補知府易佩紳業經
奏參革職應毋庸議至護理漢中鎮總兵漢鳳營遊擊陳天柱
守義不屈大節凜然應請

劉中丞奏議卷一

四十一

旨從優照總兵例賜卹以慰忠魂其餘兩城大小文武各官容
俟查明實在下落再行具

奏再臣訪聞白鳳鳴於城固城外劫奪逃難商民銀兩行至白
家坡地方遇賊被執現在存亡莫卜卽使遇害亦不得濫邀
卹典所有遵

旨查明漢中城固失守情形並遣散敗潰勇丁將失律各將領
嚴參懲辦緣由理合恭摺馳奏伏乞

皇太后

皇上聖鑒施行謹

奏

附催調唐星照來陝疏

再臣前次

奏調江西補用總兵袁州協副將唐星照令在衡湘本籍募勇二千來營調遣查該員先經四川督臣駱秉章札調赴川現准駱秉章咨接據該總兵九月來稟稱母老多病懇請在籍侍奉未能遵照募勇入川等情移咨前來查該總兵所稟自係發於至情但漢南軍務喫緊需才孔殷統將尤難其選該總兵受恩深重目擊時艱自應移孝作忠力圖報稱且該總兵兄弟三人現在胞兄唐應聘等在籍侍奉不患無人即使將母情切亦可於漢南肅清之後軍務稍鬆再行乞假省視臣駐巴已近五

劉中丞奏議卷一

旬專俟該總兵等新募生力之軍會合進取用靖賊氛自未便遽允所請以致延誤事機伏祈

敕下湖南撫臣惲世臨責以大義催速唐星照即遵照前奏招募成軍兼程來營以備調遣而資攻勦毋得再行推諉更致耽延臣爲統將需人起見理合附片陳奏伏乞

聖鑒飭遵謹

奏

附陝省武缺就近酌委拔補疏

再漢中城固失守後各營將備多無下落自應確查究辦惟係軍營所出之缺應請畱於軍營卽就將來尤爲出力人員內揀

選拔補用昭核實而示鼓勵查陝省拔補武職各缺例由陝甘
督臣核補給委現值甘省路途梗塞往返需時請由臣營就近
酌核拔補給委以重營務而免虛懸除咨陝甘督臣暨固原提
臣外謹附片陳明伏乞

聖鑒飭遵謹

奏

劉中丞奏議卷二目錄

籌辦營田以資戰守疏

附派紳士李宗沆等清查叛產疏

附調楊寶臣來陝差委疏

陝省需材孔亟疏

酌定援軍餉額分任責成疏

附請頒發空白執照疏

謝頒賞

文宗御製詩文集疏

陳勦辦先後事宜疏

附糧運艱難疏

劉中丞奏議卷二目錄

請暫做滇捐以濟軍餉疏

附酌擬增廣條款

收復漢郡城池疏

官軍大破上元觀連克城固洋縣兩城疏

籌辦營田以資戰守疏

同治二年十一月二十二日

奏爲酌擬清查叛產籌辦營田以資戰守而規久遠恭摺先陳大略請

旨飭遵事竊維慮患不嫌於過深立法要期其可久陝省回逆之變蔓延數十州縣生靈荼毒戶口空虛仰賴

聖主德威師武臣力西同境內肅清鳳翔城圍亦解雖有零星小股不難次第剿除惟逆回獷悍性成積釁滋大且土著歷有年所斷難盡絕根株現雖懾於兵威逃竄斂迹而事定之後必

劉中丞奏議卷二

議罷兵誠恐覬覦復生禍機更作若仍重兵久駐又苦籌餉無方溯查古人贍軍之法蓋多講求營田之利如諸葛亮之於漢中鄧艾之於兩淮棗祇之於許下羊祜之於荆襄以及荀羨興石鼈之利嵇燾置懷義之屯要皆兼藉耕種之力以爲頻年戰守之資卽如近今雍正乾隆年間平定苗匪原任大學士臣鄂爾泰總督雲貴奏請以逆苗叛產設立礮屯控制苗頑後逾百年頗臻靖謐近因日久弊生田畝則偷賣兼并屯兵則顧募頂充舊制全失苗患復興然從前經營之難規制之善固慮患之至深而立法之可久者也臣竊謂今日制回之策與制苗同頃據石泉縣知縣陸堃稟稱回逆叛產約計不下數百萬畝請飭

地方官招佃承種並於各紳富捐借以叛產田房作抵等語該令所陳自係爲籌備軍餉起見但連歲兵戈紳富遷徙卽使可復故業未必蓄有重資抵借之謀誠恐所得無幾而地方官招佃承種亦苦散漫難稽徒飽胥吏之私無裨軍儲之實臣竊反復籌思惟循先代營田之規兼做我

朝旗租之制規畫務極精詳庶幾可垂久遠但逆回叛產與逃戶絕業界限必須劃清辦法方有頭緒逃戶暫時招種將來仍可給還逆產概行入公用資官軍口食至於轉當抵押輻輳難清冒佔侵欺諸弊疊出清查之法頗費經營非得廉潔明幹之員親歷勘查難保必無侵漏應請

劉中丞奏議卷二

敕下署撫臣張集馨迅速揀派司道大員總司其事分遣得力員紳會同各地方官確實查明回逆滋擾地方叛產絕業共有若干分別村莊畝數詳細註明毋得稍有含混查明之後應如何酌定章程容俟臣等詳悉妥籌再行舉辦旣裕贍軍之費乃圖遏亂之方所有籌議清查叛產擬辦營田兼做旗租之制以資戰守而規久遠緣由謹恭摺附驛具奏伏乞

皇太后

皇上聖鑒訓示飭遵謹

奏

附派紳士李宗沆等清查叛產疏

再清查田畝弊竇易滋以叛產與民田向無畛域之別自逆回
滋擾之後不獨回戶逃竄卽漢民亦多流徙欲清查其疆界必
諮訪於里鄰由是奸民或相隱匿以共圖侵漁弱民或被強占
而無由控訴故假手胥吏不如任用士紳以其情意易通則弊
端易祛也伏查前廣東候補道李宗沆老實諳練膽識俱優戶
部主事劉餘慶沈毅有爲實心任事該二員皆在陝西本籍情
形熟悉鄉望夙孚以之襄辦清查必能通達下情杜絕流弊相
應請

旨飭派李宗沆劉餘慶會同地方官將清查叛產籌辦營田各
事宜妥爲舉辦除移咨署撫臣張集馨分飭查照外謹附片陳

劉中丞奏議卷二

三

明伏乞

聖鑒飭遵謹

奏

附調楊寶臣來陝差委疏

再爲政首在得人用人必須責實任事固需才識成務尤在性
情以臣見聞所及才識超邁之士已不易求性情眞摯之倫尤
爲難得如臣所請籌辦營田一事反復累日任此者實難其人
蓋非廉潔則擾累必多非嚴毅則侵欺必甚非樸誠自矢則假
手胥吏亦不能親歷周勘况當創辦之初必身心俱到而後利
弊瞭然必辛苦備嘗而後條理精至此非眞有性情念切民瘼

者不能也伏聞前任寶泉局監督降調戶部郎中楊寶臣踐履
篤實血性過人有一介不苟之操具百折不回之氣食貧處約
而志益堅耐苦習勞而力不倦其於算學尤屬專精若令查辦
營田必能認真經理且西北形勢首重秦中圖秦根本必先漢
上將來漢中收復誠得如該員者爲之守必能勤撫卹而勸農
桑起瘡痍而致殷富臣與該員無一面之識而心折其爲人聞
其現住京師合無仰懇

天恩俯准將前任寶泉局監督降調戶部郎中楊寶臣發往陝
西交臣差遣委用出自逾格

鴻慈臣爲慎選賢才共濟時艱起見謹附片陳奏伏乞

劉中丞奏議卷二

四

聖鑒飭遵謹

奏

陝西需材孔急疏同治二年十一月二十二日

奏爲陝省需材孔亟敬舉所知以備

簡用恭摺奏祈

聖鑒事竊維陝省吏治之廢弛仕風之頹壞早在

聖明洞鑒之中自比歲漢回構禍邑里成墟積白骨如邱山鞠

華屋爲茂草士紳流徙比戶逃亡昔時富饒繁盛之區悉成焦

土欲爲綏定安輯之計端賴賢才而近世士大夫役志紛華縈

情利祿雖其賢者亦不免先私計而後公家厭瘠區而圖樂地

時趨所向浸已成風陝省情形糜爛至此欲求培養元氣力挽頽風非真有憂

國奉公之忱臥薪嘗膽之志不足以振凋敝而蘇困窮臣自受命撫秦旦夕凜凜旣自慙才力之絀亦慮少心志之孚圖報旣殷求助彌切而同志之侶實不易得大都德厚者苦乏措施之方則雖念切惻痠而無以自達其志才優者或無貞固之守則雖侈談康濟而祇以自顧其私求其才德兼優體用賅備者實亦罕見苟得其人不敢不急以進諸

朝廷期備

簡用伏見鹽運使銜山西候補道黃輔辰貴州進士歷官吏部

劉中丞奏議卷二

五

司員近二十年以道員分發山西上年告假措資回籍道經四

川適聞貴州苗教滋擾廬舍成墟謀歸不遂流寓成都省城其

子翰林院編修黃彭年至行醇篤雖屢經薦辟而志在養親不

求仕祿臣嘗造其寓館見其父子同甘淡泊而畱心時務相與

講求經世有用之學孜孜不倦臣實敬之伏查黃輔辰爲人心

術正大吏事精能其剛方貞潔之操久爲寅僚所共信而綜理

庶務井井有條每與談及時事之艱難生民之休戚詞氣懇切

出於誠悃今雖年逾六十而精力尙強謀慮甚周當此需材孔

亟之時未便任其恬退合無籲懇

天恩破格錄用可否

簡放來陝以資臂助之處出自

逾格鴻施臣為整飭吏治急需賢才起見是否有當伏乞

皇太后

皇上聖鑒施行謹

奏

酌定援軍餉額分任責成疏 同治二年十一月二十二日

奏為遵

旨籌辦並酌定援軍額餉分任責成以符三省會剿之議恭摺

奏祈

聖鑒事竊臣於同治二年十月十四日在巴州營次承准議政

劉中丞奏議卷二

六

王軍機大臣字寄同治二年九月初十日奉

上諭前因李雲麟奏請於至漢以後由陝省派員籌備軍餉當

經諭令劉蓉張集馨妥辦茲據張集馨奏漢南軍餉糧米已由

川省派員採買接濟似可不必另設糧臺及製造等局轉致推

諉等語時勢艱難委一員必增一員之費添一局必滋一局之

弊張集馨所奏係為覈實起見尚屬可行即著劉蓉查照辦理

並知會李雲麟以免歧誤等因欽此查川省派兵援陝前經委

員在於通南各處採買米石以供諸軍日食其銀兩即在川省

應發各軍月餉項下扣還並非設立糧臺可比而該處米糧稀

少須由巴州以下近河一帶採買接濟運道既已險遠山徑又

復崎嶇每米一石合運腳需銀至十餘兩之多是以前旋辦旋停皆因艱於運費所致近日湘果桂字各軍均因糧盡引退而川省添調之果後九營亦已陸續到齊兵力愈集需米愈多正苦運腳無出臣方與督臣駱秉章往返咨商籌款津貼冀免飢潰之虞似此情形川軍食米尙恐難繼何能供贍他軍且李雲麟軍距川界將及千里所需米糧應就近由興安各屬採買接濟以省轉輸之勞卽將來會師合剿亦有未便概責川省供支之處何者漢南軍務疊奉

諭旨飭令秦楚蜀三省會剿所需軍餉自應由三省會籌臣前在川藩任內曾經詳定川省所派四軍由川省撥餉李雲麟所

劉中丞奏議卷二

七

部各軍卽由鄂省接濟漢南一軍應由陝省供支業經督臣駱秉章分咨陝西湖北各督撫在案頃據湖廣督臣官文湖北撫臣嚴樹森咨到會奏釐捐各摺稟內稱鄂省月協多隆阿軍餉三萬五千兩李雲麟健毅六營梁作楫凱字五營月需銀三萬餘兩並接濟軍火軍裝合計每歲需銀八十萬兩上下亦既竭盡心力等語川援四軍新挫之後精銳銷亡經臣函商督臣駱秉章請就四軍月餉之內聽臣裁汰募補以資整頓旋准駱秉章覆稱所撥每月八萬之餉雖值艱窘萬分仍應照常接濟昨准咨來覆奏摺稟亦有援陝諸軍之餉每月八萬有奇仍須按時撥解等語是川鄂兩省援軍均係自裹行糧該督撫等體

國公忠毫無畛域之見但使前言克踐臣亦何敢多求現查李雲麟所部健毅六營三千三百人仍由湖北給餉梁作楫之凱字營早經鄂省調防鄖陽而李桓所募之義勝軍月餉虛懸無著臣頃咨商官文嚴樹森等以凱字營既經調回其義勝三旗卽請仍由鄂省給餉以符定議現尙未准咨覆查凱字五營二千五百人義勝三旗僅一千二百人以此易彼月餉不及其半查照官文等原奏月需三萬餘兩之語實屬有減無增想該督撫關懷大局誼切鄰封必不至遽廢前諾惟李雲麟新募之隴軍正後奇右飛捷親兵及澄漢水師等營所需口糧軍火度鄂省力難兼顧前經臣札飭署興安府知府謝向榮無論何項務

劉中丞奏議卷二

八

須設法接濟然不過暫救目前終非持久之計查興安商州各屬爲鄂秦水陸要衝向來商賈輻輳其間富室亦復不少近值賊蹤竄擾情形自異曩時惟旣駐有重兵則釐金捐輸兩事亦當尙有可辦之處查新授陝安道何丙勳強毅老成升用知府張黻華明敏精細堪以委辦相應請

旨飭令何丙勳督同張黻華馳赴興商一帶將釐捐兩項妥籌舉辦辦有成數隨時撥解李雲麟行營以供隴軍澄漢等營月餉之需至臣所募親兵千名比又添募籐牌手劈山礮手演習一營以爲破擊騎賊之用前經陸續札調袁州協副將唐星照知府銜候選直隸州曾傳道等由南募勇四五千名約於臘底

春初均可齊集所需月餉軍火約計在四萬五千兩以外雖經
臣設法勸捐竭力籌畫究之望梅止渴卒無確實可靠之款晝
夜籌慮焦灼如焚應請

敕下湖廣督臣官文湖北撫臣嚴樹森四川督臣駱秉章按照
該督撫自行奏定月餉六萬八萬之數隨時撥濟該省派援各
軍勿使稍有缺乏並

飭署撫臣張集馨督率藩司迅速籌款每月撥銀二萬兩解赴

臣營餘卽由臣自行籌辦庶期餉有定額責有專司用符三省

會剿之議臣亦得以速規進取仰慰

宵旰廛念之勤所有遵

劉中丞奏議卷二

九

旨籌辦並請酌定餉額分任責成緣由理合恭摺由驛具奏伏

乞

皇太后

皇上聖鑒訓示施行謹

奏

附請頒發空白執照疏

再臣前疏陳籌備秦餉之法業蒙

聖慈俯念臣軍窘乏分飭照辦在案近接四川督臣及司道來

函均稱去秋八月以後淮巖上運楚岸滯銷川省鹽務漸就疲

敝所議抽收井竈鹽釐此時驟難舉辦等語至於山陝捐輸爲

數亦屬寥寥鄂省貨釐陝捐兩項疊准該督撫來咨均謂無從設法山西勸捐能否辦有成數亦未可定漢南軍事方殷餉源已竭臣所募一軍將成坐困之勢實懷飢潰之虞查陝西辦理米捐減成折收章程經前撫臣璞榮奏奉

諭旨飭部議准臣擬遵照定章就近於四川各府屬繁富之區選派員紳勸諭商富量力輸助或可隨時運籌藉資接濟查川省比歲派辦捐輸業經一律完竣臣今倣照新章勸辦於川省初無窒礙之處而督臣駱秉章深悉臣軍匱乏情形關懷尤切必能分飭地方守令不致掣肘阻撓相應請

旨敕下戶部國子監頒發空白從九職銜照三千張並配搭各

劉中丞奏議卷二

十

色職銜照封典照共三千張五品六品七品八品及從未各色實官職照共二千張貢監照共三千套由驛遞交臣行營俾得隨地設局廣爲勸捐稍裕兵食庶期藉收飽騰之效謹附片陳奏伏乞

聖鑒施行謹

奏

謝頒賞

文宗御製詩文集疏

同治二年十一月十二日

奏爲恭謝

天恩仰祈

聖鑒事竊臣於同治二年十月初一日在巴州營次接准兵部

咨開同治二年七月二十九日據軍機處片交奉

旨頒發

文宗顯皇帝御製詩文全集由驛遞到臣營當即恭設香案望

闕叩頭謝

恩祇領竊以道隆皇古炳羲畫以垂經運啟中天紹堯文而出

治自昔丕顯丕承之謨烈端賴善繼善述之績成洪維

文宗顯皇帝敬齊秉哲

抱蜀澄心

治無曠於萬幾

學尤精於六藝推本

劉中丞奏議卷二

七

彝訓發為

文章

御極而

念切祇承

履端而

箴先持敬

序

聖訓則典謨千古飭臣工則吁咈一廷

褒答直言邁文景求言之詔

嚴恭修己有禹湯罪己之詞

臨雍而義析中和鴻都化洽講席而

論宣德禮

虎觀儀隆至於

喜雨喜晴莫非

寅畏之意

書事書戒悉本

辛勤之懷

發號施令罔不藏文之至者化民成俗必由學

業莫隆焉欽惟我

皇上光昭

劉中丞奏議卷二

十一

嗣服

學懋

紹衣是訓是行溯

敷言於有極之綱之紀監

成憲以無愆爰

命儒臣敬謹編次共成十卷永式萬年巍乎煥乎唐虞之際斯

爲盛

作者

述者詩書所稱何以加臣起自草茅未窺

祕笈屆茲運會同荷

榮頌持誦迴環倍增兢惕
訓飭因循之諭益心矢夫靖共讀
開誠痛戒之章如面聆夫

教誨惟恪遵

先皇謨誥用勵愚頑庶仰答

聖主鴻慈稍圖報稱所有

微臣

感激下忱謹繕摺恭謝

天恩伏乞

皇太后

皇上聖鑒謹

奏

劉中丞奏議卷二

十三

同治二年十二月二十四日

陳勦辦先後事宜疏

奏爲官軍進紮甯羌謹將勦辦先後事宜恭摺由驛馳奏仰祈
聖鑒事竊臣前在巴州業將漢南賊勢情形及現擬改趨甯羌
徐規進勦緣由馳奏在案旋於廣元營次接奉十一月初三日
上諭漢中賊勢極爲猖獗劉蓉當剋日進勦並知照多隆阿撥
兵合擊會商勦辦以期早日殄除不得再有遲誤等因又奉初
八日

上諭漢南賊勢如此彼猖劉蓉何以尙無入陝消息著卽恪遵
疊次寄諭星速前進扼紮青石關一帶一面牽制賊勢一面知
會李雲麟兩路進兵次第恢復被陷郡縣方爲不負委任至川

北防務駱秉章業已預爲布置諒可無虞劉蓉身爲陝撫責有攸歸豈得專顧川邊置陝事緩急於不顧等因欽此跪誦之下仰見我

皇上軫念秦疆急圖掃盪之意

臣自受

命撫秦旣歷數月尙未遣一旅之師進搗漢南坐視逆匪猖獗不惟無以對

朝廷抑且無以謝百姓而

詔旨寬容未加譴責默自省循尤增愧悚顧臣前所以未能遽進者適值援師敗潰之餘賊勢乍張不能不先以固守川疆爲急而添製軍械籌備糧運遣散潰卒裁汰孱兵事事經營日不

劉中丞奏議卷二

西

暇給今漢南防城之三萬餘眾旣遣撤而無存湖湘之新募四千餘人尙迂滯而未集雖陸續增募親兵迄今不滿二千其所恃以進剿之師卽係川省防堵之師軍火餉糈無一不資於蜀如不圖固川防致使逆氛闖入則援軍旣須回顧餉項無可轉輸漢南軍事益復無從措手數月以來所以勞慮焦心與四川督臣駱秉章往復熟商期以固川爲圖陝之計良以陝省旣無可抽之兵又無可籌之餉事事仰給於川不能不委曲以求濟此則微臣黽勉從事之苦心不得不婉陳於

聖主之前者也今幸各路防兵布置已定各軍營務整頓粗完臣得專意進兵已飭果後親兵各營進紮甯羌臣亦督催糧運

卽日進發頃接探報漢郡各賊方事修葺城垣其油房街黃沙驛新集一帶亦皆添造木城自係聞大兵改由西路進剿亟爲負隅抗拒之計中旗與曹逆圍攻秦州未得逞志復竄踞略陽之郭家壩等處我師進趨漢南實慮該逆伺我後路查此賊徘徊襄沔略陽之間窺蜀竄隴幾及一年久爲三省邊防之患近與曹逆聯結其黨愈多臣現會商建昌鎮總兵周達武派兵併力夾擊期先將此股剿滅以免後顧之慮幸而一鼓殲除則昭廣一帶防兵亦可撤赴漢南以厚兵力此現籌辦先後之宜也漢南賊勢如毛號稱三十餘萬臣所部各營合計僅逾萬人用少擊眾雖矢志於聚殲亦須防其旁竄前籌三路進兵之策

劉中丞奏議卷二

十五

祇及西南東路而未及北路者以多隆阿軍聲甚壯克復蓋屋之後必能遵

旨派兵逕趨畱壩該逆亦必不敢北竄也現據探報該將軍所部各軍已由鳳翔逕趨汧隴李雲麟一軍因商州情形緊急奉旨責令東追是東北兩路均已空虛臣以孤軍獨進眾寡懸殊該逆無所牽制勢將糾合羣賊併力抗拒卽使勦辦得手非北趨腹地卽東走興安臣所部兵力不敷萬難兼顧應請

敕下西安將軍多隆阿迅卽遵

旨派撥曹克忠一軍前赴畱壩會師合剿以收兩路夾擊之效

並

飭李雲麟於商州解圍之後仍卽折回茶鎮以資堵截而防竄
逸所有官軍進劄甯羌現籌勦辦先後事宜理合恭摺由驛馳
奏是否有當伏乞

皇太后

皇上聖鑒訓示施行謹

奏

附糧運艱難疏

再軍行必先籌糧人情急於謀食餉項偶乏已覺難於支撐米
粟不充必立見其譁潰故聖門論政足食在足兵之先而去食
在去兵之後臣自早歲從戎經歷數省勞辛艱苦亦旣備嘗而

劉中丞奏議卷二

其

糧食之艱從未有如川北一路之甚者乃知漢臣諸葛亮統師
北伐屢以糧盡引還地勢使然今古一轍查川北城太通南昭
廣江平各廳縣荒山瘠土穀產不饒本年秋潦歉收民已艱食
通南一帶山高徑仄每夫一名僅能負市斗米二斗由縣城達
西河口等處防所遠者六七百里近者亦四五百里巴州產米
較多由巴至南計水程三百餘里河狹灘高每船一隻裝米不
過二三十石時須盤灘起載且係逆流挽運約十餘日始能趕到
廣元一帶河道行船較大山路亦覺稍寬而武字定武長勝各
軍駐防經年不獨廣元米糧搜買一空卽附近昭劍等處亦已
無可採辦勢須由重慶順慶保甯各屬收買計水程遠者千四

五百里近者千里七八百里不等自朝天關達甯羌州陸程尚
百四十里沿途添設短站節節轉運統計每米一石運腳至十
餘兩之多米價應由勇丁月餉扣還而運費則苦於無著臣前
在川藩任內詳請督臣駱秉章委員於南通各縣採運厥後屢
辦屢停皆因艱於運費所致然軍士從征日久斷難枵腹荷戈
約計防剿各軍除駐防城太之振武軍由署綏定府知府唐炯
自行籌辦接濟外其通南廣元各路連兵勇長夫合計日需市
斗米一百六七十石漢南各屬悉被賊擾米糧毫無可籌均應
由川採運接濟兵家所謂千里齎糧士不宿飽一有缺乏飢饉
堪虞臣與駱秉章往返函商通籌熟計不得不籌墊運腳以卹

劉中丞奏議卷二

七

軍士而利遄征該督臣體

國公忠署藩司啟芳等亦深顧大局現先由司庫籌墊運腳銀
八萬兩飭委成綿龍茂道鍾峻出省督辦該道才識明練極耐
艱辛趕赴順保各屬責成地方官分途採辦酌量道路遠近按
月分解辦理已有頭緒查糧臺出力人員前准部議不許越級
保升奉

旨遵行自係慎重核實之意惟川省此次辦理米糧萬分喫力
該委員及地方官紳設法轉運共濟時艱實非尋常糧臺出力
可比合無籲懇

天恩俯念軍米緊要將來漢南事竣該委員及各州縣官紳採

運接濟無誤軍行可否由臣會同四川督臣駱秉章擇尤酌保
用示獎勵而昭激勸之處出自逾格

鴻慈所有米運艱難由川省派委大員督辦緣由理合附片由
驛具

奏伏乞

皇太后

皇上聖鑒飭遵謹

奏

請暫做滇捐以濟軍餉疏 同治二年十二月二十四日

奏爲軍餉萬分難籌現擬做照滇省暫開捐例並酌擬增廣條

劉中丞奏議卷二

六

款恭摺奏乞

天恩俯准先行試辦以濟急需事竊查漢南逆燄之張援軍餉

糴之匱業經臣疊次陳奏非大軍分途進搗無以策全功非糴

項寬籌有餘無以厚兵力計臣所新募楚勇來春當可到齊而

所陳籌備秦餉之法亦既屢更其端卒無可靠之款如川省井

竈之釐鄂省山陝之捐既皆格於時勢卽昨所請陝省米捐減

成章程就川舉辦一層現准四川督臣駱秉章咨稱川省擬於

明年再辦捐輸一次恐陝捐礙難並行等語臣前疏期於來春

二三兩月大舉破賊今餉項匱竭絕無一綫可恃之源將藉何

項以贍軍用何術以克敵晝夜焦灼無計可施且陝南遍地賊

氛粒米無從摻括川北各屬產穀殊少現值援師漸集錢米兩價翔貴異常兵勇月領餉銀因此益形折耗各軍坐困已無宿飽之期若再懸欠月精何能驅以赴敵是需餉之急未有甚於此時者矣陝南財賦之地既付劫灰鄰封協濟之謀又成畫餅即使肅清漢郡淨掃逆氛而西同鳳各府菁華早被逆回蹂躪人民逃散土田蕪蕪雖多方招徠撫綏尙恐未能復業竊推

朝廷憫恤災黎之意卽比年維正之供尙應議緩議蠲安忍於鋒鏑溝壑之餘再加朘削更事誅求以戕元氣而殘民命然而養兵之費日引月長束手仰屋何從取辦是籌餉之艱又未有甚於此時者矣伏查滇南一省僻在邊隅自漢回互鬪以來庫

款告罄尙荷

劉中丞奏議卷二

十九

皇仁准其暫開捐例以濟時艱而紓民力矧關中形勝之地屏蔽中原拱衛

神京宜圖固於苞桑庶永安於磐石值茲戎事孔棘需餉尤繁倘不先事綢繆通融籌畫萬一貽誤大局雖悔何追竊維釐金必待商賈流通捐輸尤須闔閭殷富今陝省情形如此不但凋敝之區無從舉辦卽稍爲完善之處究亦不無徵索之煩計惟暫開捐例稍可補苴謹採訪輿論酌量變通隱以鼓舞羣情冀其聞風踊躍於以廣登進之路卽以遂報效之忱人樂輸將非

同抑勒合無籲懇

皇上天恩俯准做照雲南章程暫開捐例並酌增推廣條款另繕清單皆於仕途及京局無礙而於陝省軍餉有裨伏乞

敕部議准庶幾銖積寸累藉資士飽馬騰臣當此亟謀進兵艱於籌款之時實有左支右絀迫不能待之勢若候

命下然後遵行誠恐收捐濡滯緩不濟急是以不揣冒昧一面

繕摺具

奏一面遴派妥員分駐川省之保甯湖北之荊州山西之蒲州設局試行庶使各省及各路軍營報捐人員各就近便易於上兌以期暫繫軍心果能源源而來當可稍裕兵食再次實因陝餉無出鄰封難期協濟不得已而爲此謀應請

劉中丞奏議卷二

三

敕下各省不得援以收捐俾得專濟陝餉一俟稍覺寬裕仍卽奏請停止以示限制至所酌增條款倘可通行無礙俟陝捐截止或請歸併捐銅局辦理於

國帑不無微補臣爲軍餉萬分難籌所有請照滇省暫開捐例並增廣條款先行試辦緣由謹繕摺附驛具

奏伏乞

皇太后

皇上聖鑒訓示施行謹

奏

附酌擬增廣條款

謹將酌增條例恭繕清單敬呈

御覽

計開

一被兵省分士子有遷徙他省者或因本省停科或因道路梗阻不能回籍鄉試雖可加捐貢監赴順天歸皿字號應試每因道途遼遠資斧艱難不能往赴北闈卽謂本省軍務平定原可補行鄉試而懷才抱器者不能及時觀光未免向隅擬請凡流寓士子無論何省如有願在流寓省分就近應試者分別恩拔歲副貢生均照捐貢常例加倍呈交實銀係廩增附監均照捐監常例加倍呈交實銀赴陝餉局交納發給貢監執照於照內

劉中丞奏議卷二

三

註明准其在流寓省分應試其籍貫仍填原省並取具其流寓省分服官之同鄉官印結聲明並無冒名假託匿喪情弊並執照齋赴學院衙門呈請驗明錄科如在十名以外卽准入場做照順天鄉試皿字號另編字號取中一名三十名以外取中二名五十名以外取中三名如流寓省分現有父兄服官者仍應迴避准其赴鄰近省分考試一俟本省軍務平定道路疎通卽將此照註銷仍回原籍應試如此變通辦理既不占流寓省分原額而該士子等得以隨地觀光藉抒抱負是於捐例之中仍寓嘉惠士林之意

一坐補原缺人員原定章程必須引

見後方准坐補查州縣以上等官從前分發或補缺之初曾經引

見嗣或俸滿亦經赴部迨後告病開缺尙未回籍卽醫治痊癒經本省督撫驗明奏請起用定例必須引

見者原以視其人之是否尙堪起用也第此項人員有補缺時曾經引

見者有甫由俸滿等事赴部者今病痊既經本省督撫驗看屬實如必須奔走道途似不足以示體卹擬請嗣後甫經告病旋即病痊人員經督撫驗明堪以起用其缺尙未序補有人飭令仍回本任准其捐免引

劉中丞奏議卷二

三

見州縣繳銀二千兩同知直隸州繳銀二千五百兩知府繳銀三千兩均赴陝局交納實銀准其免引

見坐補原缺如其缺已開另補有人減半交銀亦准免其引

見俟坐補原缺仍前後接算歷俸已滿十年八年照例送部引

見以重地方而符定例

一補授實缺人員有赴部引

見時捐升改捐者有甫經補缺卽行捐升改捐者將來到省卽以現捐之官補用此項人員甫經實補卽謀另捐其中或因地方僻陋或因地方現爲賊擾藉捐升改捐爲巧避之途擬請嗣後甫經補授實缺人員如未經到任之先加捐改捐均將請捐

離任銀數照正項酌加三倍始准離任以就現捐之職而杜規避

一分發軍務省分人員不准改捐無軍務省分查道府有表率之責自不應准其隨意改捐至州縣佐貳佐雜等官長於治理而不嫻於軍務者用非所長轉覺無以自効擬請各省分發州縣以下人員未經奉有辦理差使准其改捐無軍務省分照尋常改省例加倍交銀其未經領憑赴省者此項銀兩仍赴部交納業經領憑到省卽赴陝餉局交收

一軍功候補人員向歸候補班酌量補用軍興以來此項人員較多補缺已形壅塞擬請照各項班次捐本班前銀數交納准

其歸候補班前補用

劉中丞奏議卷二

三

一奉

旨補缺後記名請簡人員新定章程不准報捐免補本班原以杜取巧而防躁進惟查未經記名人員如候補試用同知直隸州知府等官向例准其加捐升階一經捐陞卽歸現捐之官補用如保歸記名之員不准報捐免補本班必俟其補本班缺後方准記名請簡設使本班補缺無期是徒有記名之名較與未經記名之候補試用人員尙得加捐升階者轉增周折擬請嗣後奉

旨補缺後記名請簡各項人員均准其按照保升官階三班銀

兩加倍交足實銀卽准其免補本班以所保記名升階補用仍俟其到省一年後始准進單請簡如此變通辦理似於勞績人員有所鼓勵不致有躁進取巧之弊

一新定章程非克復城池斬擒逆要不准請保免補免選及候補班查文員帶隊打仗各路軍營不乏其人其衝鋒冒險實與武弁無異惟克復城池固屬罕遇其有雖未斬擒逆要而屢次帶隊殺賊甚多戰功卓著如不准其免補免選則此後立功無可獎勵似未足以鼓舞士心擬請嗣後如有文員實係屢次躬冒矢石帶隊殺賊多名查有實據其中雖無逆要仍准核實請保免補免選暨候補班並令該員照保升官階交足三班銀兩

劉中丞奏議卷二

五

卽准其免補免選本班以所保升階補用如係候補班者照分發三成交銀准歸候補班補用此項銀兩俟赴陝餉局交納後由陝局具詳咨照吏部再行核准不得在各省及各路軍營呈繳以免往返撥解轉致耽延仍於陝餉有名無實

一管理局務暨糧臺軍營文案新定章程不准請保餉支原以杜冒濫而重異數惟軍營旁午支放紛紜非敏幹之才鮮能勝任其襄理軍事履險相隨與身行在行間者同一勞瘁擬請嗣後管理局務暨糧臺軍營文案人員已歷二三年之久辦事妥協如有保舉花翎藍翎准其照尋常外省官員報捐翎支之例酌減六成交銀給與陝餉局實收彙案咨部准予

賞戴以昭激勸

收復漢郡城池疏

同治三年正月二十日

奏爲官軍躡勦中旗逆匪分路進兵迭獲勝捷乘勢收復漢郡城池旋將中旗中後兩隊破斬過半恭摺由驛馳奏仰祈

聖鑒事竊

臣

率師改由廣元進紮甯羌規取襄沔擬先勦中旗

股匪以靖後路業經恭摺馳奏在案旋於臘月二十六七日接據各營稟報中旗逆匪已由郭家壩擾略陽逕趨甯羌屬之戴家壩意圖逕撲陽平關以犯川疆當經臣飛飭總理果後營營務升用知府劉嶽曙及建昌鎮總兵周達武候選知縣曾紀鳳等派兵分布燕子碛舒家壩各處並設伏於陽平關左右俟

劉中丞奏議卷二

五

其到關而掩擊之二十九日該逆率眾行至朱家埡遙見我軍

旗幟駭而卻走我軍整隊尾追該逆旋即折回戴家壩竄赴大

安驛烈金壩一帶正月初二日我軍追及該逆不敢接戰望風

狂走僅截獲其尾隊三名餘悉竄向胡家壩蹤跡颯忽周達武

曾紀鳳等遂各收隊而還初三日竄至元壩子初四日竄至廣

元屬之梨坪查梨坪爲入川要衝經

臣

派撥果毅彝字兩營駐

紮防守旋慮其兵少力薄添派候補府經歷張星管帶所部長

字營前往協守不意張星逗遛不前果毅彝字兩營又分紮燕

子巖紅山兩處兵力太單該逆大隊掩至正在派隊堵勦賊隊

已由紅山右面山梁直上山頂鈔出果毅營之後守備鄧洪超

等力不能支營壘被撲陣亡兵勇三十餘人管帶彝字營候選知縣黃鼎督勇力戰始克收隊臣聞信後當卽自派親兵四營英毅軍三營飭總理營務戴炳奎帶赴旺蒼壩星馳扼截該逆偵知大兵已集旋即退走黃官嶺紅廟塘一帶先是臣接四品京堂李雲麟臘月二十六日來咨稱得賊中閒諜詢知該逆聞我軍三路會剿之謀意甚恟懼並聞李雲麟已抵石泉臣軍已抵甯羌大兵陸續雲集諸逆酋會同計商分作兩路下竄連日辦備乾糧口袋火把各件刻期同走等語臣當卽飛飭駐紮西河口之湘果兩軍何勝必蕭慶高等迅由青石關出師一面嚴防中旗偷竄一面派隊逕搗漢中又札飭駐防城太之參將唐

劉中丞奏議卷二

五

大有率所部振武軍隨同李雲麟進擊西鄉並飛咨西安將軍多隆阿分撥勁旅迅由甯陝廳截出以遏奔衝而收前後夾擊之效初四五六等日沔縣褒城留壩之賊已陸續移入漢中何勝必蕭慶高督率各軍冒雪越嶺分派副將蕭德揚毛尙陞遊擊李遂勝總兵鍾玉勝蕭餘勝等由聞天坡進剿法慈院副將劉厚基蕭舉臣總兵譚獻定參將彭基秀等由梅子壩直趨新集場總兵曾克勝唐友勝副將毛芳恆周東興同知直隸州蕭德綱等由石鼓坪鄭家坪兩路直搗牟家壩何勝必蕭慶高各率親兵與總理營務卽選訓導劉占鼇卽選府經歷柳良材等分起督率隨後策應初十日蕭德揚等率師直薄法慈院該逆

不意風雪中官兵驟至倉皇失措我軍乘勢撲入斃賊四五百
人生擒數十名奪獲騾馬數十匹救出被擄男婦三百餘人餘
賊奪路狂奔十一日午刻曾克勝等已抵牟家壩該逆偵知法
慈院業已攻破先自惶亂各將領冒雪猛撲該逆拌死抵拒我
軍愈進愈猛賊勢不支當被殲斃千餘人生擒二百餘人救出
難民男婦三百餘人奪獲騾馬器械甚多於是各軍乘勝賈勇
逕趨油房街蕭德揚等亦率師由右路來會諸軍併力氣勢愈
張當卽衝入賊巢立將諸壘踏平斬馘千計撲水落河者又二
千餘人生擒四百餘人何勝必蕭慶高等以旣破油房街則漢
郡唾手可得當卽麾令諸軍涉淺渡河而派赴新集之劉厚基

劉中丞奏議卷二

七

等亦已將該處賊壘踏破遙見油房街火起卽從上游渡江四
路齊進直薄城根維時該逆頭隊業已竄動後隊踞城者已無
固志又值官軍四集彼此不復相顧副將楊德勝總兵唐友勝
等由南關奪門而入何勝必蕭慶高與署漢中府知府楊光澍
營務處劉占鼇柳良材等隨卽麾眾入城四路掩擊搽斬千餘
人生擒八百餘人救出難民千餘口當將城池收復餘賊均向
東北兩門循山奔逸時已初更候矣次日黎明隨派蕭德揚蕭
餘勝毛尙陞李遂勝等追躡下竄之賊適接探報中旗前隊業
已竄往城固與偽啟王陳得才合股其中隊逆匪正在黃官嶺
紅廟塘一帶往來游弋於是何勝必蕭慶高各派三營前赴法

慈院牟家壩迎頭截擊又各派馬步三營一由高家嶺兜剿一由黃官嶺紅廟塘一帶壓擊十四日辰刻蕭德揚蕭餘勝等馳抵仰天窩李家溝果見賊眾萬餘由紅廟塘竄來我軍卽由山梁壓下該逆揮戈抗拒鏖戰一時之久殺斃紅衣騎賊千餘人老賊三百餘人賊始紛紛下奔何勝必等督隊行至牟家壩正在涉淺渡河適值該逆敗竄前來隨卽麾隊截擊斃賊二千餘人人生擒偽檢點陳東海焦有秋等老賊五十餘名救出裹脅男婦八百餘口奪獲鎗礮三百餘件騾馬三十餘匹餘賊拌命奔赴兩河口適遇馬隊總兵曾克勝唐友勝等由高家嶺擺隊而來該逆腹背受敵驚惶無計我軍兩路夾擊又斃賊千餘人撲

劉中丞奏議卷二

天

河死者尤多餘賊折向法慈院一帶狂竄我軍盡力追擊沿途斬馘屍骸枕藉該逆不遑喘息悉向下游遁去何勝必蕭慶高等仍率所部於十五日跟蹤追剿誓將此股殲除其尾隊方在朱壩攻撲銅寨果後營副將蕭品元胡致琪參將李志高李連勝等在袁家河聞信卽分隊繞路進剿行近朱壩里許該逆分股迎敵各營奮力前擊鎗礮環施擒斬百餘人奪馬四匹餘悉拌命狂奔各營尾躡其後十四日及之於木家壩該逆慌亂紛逃我軍兩路夾擊乘勢掩殺斃賊約數百名奪獲馬十餘匹旗幟器械甚多餘黨四散連日撿斬殆盡現在大軍悉由漢中進趨城固期節節掃盪而前惟聞髮逆頭隊業已下竄石泉漢陰

一帶興安以下苦無攔截之師前經臣疊次咨商湖廣督臣官文湖北撫臣嚴樹森派兵嚴防此路頃聞該逆有東竄之意又由八百里飛咨該督撫迅派勁旅嚴堵鄖襄並咨河南撫臣張之萬嚴扼商雒邊界但冀鄂豫兩省均有迎頭截擊之師使該逆不能遽爾前進臣與李雲麟督率各軍躡之於後當可悉數破滅所慮糧運艱難賊蹤颺疾各有鞭長莫及之勢則徒深焦憤而無如何耳此次各將領冒雪衝鋒收復郡城斬馘甚眾實屬著有微勞已革保升提督甘肅肅州鎮總兵何勝必已革保升提督蕭慶高督隊疾馳深知愧奮應請先沛恩施開復原官仍交軍機處記名遇有提督缺出請

劉中丞奏議卷二

无

旨簡放其餘出力文武員弁請由臣查悉核實會同四川督臣駱秉章分別奏請

獎勵以昭激勸四川候補府經歷張星遠臣調度逗遛不前致有黎坪之失應請

旨卽行革職以示懲創守備鄧洪超疎於防範應請革職畱營以觀後效至漢中各城殉難人員現飭署漢中府知府楊光澍收殮遺骸妥爲安厝一面招集流亡加意撫卹其各文武存亡下落容俟詳悉查明分別辦理所有官軍躡勦中旗逆匪分路進兵乘勢收復漢郡各緣由理合會同四川督臣駱秉章恭摺由驛馳奏伏乞

皇上聖鑒訓示謹

奏

官軍大破上元觀連克城固洋縣兩城疏

同治三年正月二十七日

奏爲官軍大破上元觀賊壘連克城固洋縣兩城現籌分路進

剿恭摺由驛馳奏仰祈

聖鑒事竊

臣

前在大安驛業將官軍躡剿中旗股匪乘勢收復

漢郡城池旋將中旗破斬過半及我軍乘勝追剿情形恭摺奏

報在案旋據蕭慶高何勝必等稟稱十五日寅刻追至二郎壩

該逆尾隊正在起行我軍疾馳及之殺斃五六百人生擒一百

三十餘人奪獲鎗礮刀矛旗幟三百餘件餘賊分兩路狂奔一

劉中丞奏議卷二

三

向盤壩一趨上元觀我軍亦分兩路追之會馬隊自娘娘廟過

河繞出賊前截殺千餘人其竄盤壩者經代理城固縣知縣張

開鑿帶團埋伏寡婦橋太王廟一帶該逆竄入伏中張開鑿施

放號礮伏兵四起殺斃數百名生擒十餘人餘悉狂奔上元觀

查上元觀爲僞啟王陳德才黨與盤踞之地外列壁壘十餘座

麇聚逆眾甚多該逆旣與竄合氣燄甚張何勝必等偵知情形

於十六日黎明將所部分四路前進先令前隊誘敵而親率勁

旅及先鋒馬隊設伏於林木深處我軍旣進該逆亦卽分隊來

迎兩陣對擊約逾半時之久各前隊佯爲退卻賊果蜂擁撲來

旣近樹林伏兵突出四面兜擊斃賊極多該逆紛紛敗潰我軍

乘勝截殺又斃千餘人趁勢猛撲賊壘拋擲火蛋當將諸壘概
行焚燬斬馘三千餘級生擒四百餘人其餘多向城固逃竄救
出難民男婦二千三百餘口奪獲米糧甚多我軍連日追剿冒
雪忍飢至是始獲一飽此十六日大破上元觀賊巢之實在情
形也城固地勢遼闊該逆先將橋梁折毀無船可渡何勝必等
督飭各營趕於上游搭造浮橋速十八日酉刻工竣適劉嶽曙
飭派果後九營亦於是日行抵柳良鋪與湘果兩營隔河而營
當卽商定於薄暮發隊分南北兩岸前進蕭慶高帶領總兵曾
克勝副將毛尙陞蕭德揚劉厚基蕭舉臣並城固縣知縣張開
鑒等由浮橋渡河以攻其西何勝必帶領總兵唐友勝蕭餘勝

劉中丞奏議卷二

三

譚獻定副將周東興毛芳恆等由上游浮橋渡過北岸沿河而
下以攻其南而飭同知蕭德綱總兵鍾玉勝副將楊得勝參將
彭基秀等伏於城固下游迎截東南兩路竄匪劉嶽曙亦分派
總兵劉維耕副將蕭品元李盛貴胡致琪參將謝景春李用敬
李志高李連陞遊擊鄒三元劉節高等由寶斗二山分攻東北
兩門派撥既定約於初更偃旗息鼓併力齊進直抵城外賊壘
該逆不意我軍驟至意頗驚惶我軍奮力攻撲一湧而進施放
火箭噴筒當將附城一帶賊壘延燒該逆冒煙突火不敢入城
悉向河邊南岸繞竄東下蕭慶高等督隊掩擊斃賊約四百名
各軍直逼城根奮力攻打城上礮石雨下頗有傷亡力戰不退

四更向盡何勝必等激勵諸軍誓以必克各弁勇奮不顧身扛梯爬城呼聲動地城中百姓亦大呼應之我軍趁勢搶上城堞賊眾驚惶或跪伏乞降或拌命奔走各營陸續畢登四圍鈔殺約斃賊三千餘名生擒千餘名奪獲偽印六顆騾馬一百四十餘匹鎗礮刀矛之類無算救出難民四千餘口餘賊紛紛向東門奔竄當被派由南岸進剿之四營隔河截住該逆改竄東路又值派伏北岸之隊沿河截擊盡力窮追旋由潛水鋪涉淺渡河立將賊隊衝散遺棄軍械甚多沿途斬馘屍骸枕藉直追至捷順橋七里鋪天色大明始行收隊此十八夜克復城固縣城之實在情形也洋縣爲藍逆竊踞已逾二年逮藍朝柱竄往盩

劉中丞奏議卷二

三

屋畱其黨僞都統黃楊潘李諸逆目踞守旋與髮逆構隙互相攻擊死傷萬計去歲冬臘兩月髮逆糾黨十餘萬掘地道晝夜環攻歷六七旬卒不能克蕭慶高何勝必等旣復城固卽飭所部就下游趕搭浮橋分南北兩岸並進臣亦添派營務處戴炳

奎率親兵英毅各營前往助剿二十一日浮橋搭就卽於是夜三更派曾克勝蕭德揚蕭德經蕭德綱李遂勝鍾玉勝彭基秀等各率所部由南岸遠道設伏以防該逆突竄西鄉之路蕭慶高帶領劉占鼇毛尙陞楊得勝劉厚基蕭舉臣等何勝必帶領柳良材唐友勝蕭餘勝周東興毛芳恆譚獻定等戴炳奎帶領李萃林黃宗信王謨劉玉興蕭祥勝王九齡等均由城固東下

專攻北岸一路二十二日卯刻各軍馳抵洋縣數里該逆方開城貿易因見官軍突至收眾入城閉關堅拒我軍四面環攻該逆亦悉眾登陴開礮轟擊相持三時之久未能得手何勝必等以其城堅礮利知不可以力取也遂飭各營作速收隊退紮距城二十餘里之捷順橋一帶而密派各營精細勇丁帶同素與賊營貿易之鄉民扮作販賣煙泥油鹽等物前赴洋城發賣該逆自以髮逆大隊猛攻數月未克之城見官軍不逾萬人意頗易之又見我軍已退不復設備開城往來貿易如故黃昏以後各勇丁混入城中密約四更復舉火爲號何勝必等密飭各將領銜枚疾趨分東南北三路而進旣抵城根時甫三鼓各營潛

劉中丞奏議卷二

三

就憩息逮四更吹笳鳴號在城各勇舉火應之各營壯士梯上城堞喊殺之聲四路並作該逆謂我軍已盡入城自相踐踏各軍四圍擒斬屍骸山積餘賊竄出東門我軍乘勝跟追南岸諸營亦渡水截擊追殺二十餘里殘賊不滿二千悉向華陽一帶竄去是役斃賊四千餘人救出難民五千餘口奪獲偽印九顆騾馬八十餘匹鎗礮刀矛旗幟無數米糧多至萬石遠近飢民笈負囊挑紛紛而集各將領見皆鵠面鳩形不忍阻止頃刻而盡此二十二夜克復洋縣之實在情形也比探城固敗竄之賊多趨西鄉一帶業飭蕭慶高何勝必等會同果後九營跟蹤躡勦藍逆餘黨旣竄華陽勢將逕趨盩厔以圖合併又探曹燦章

一股頃在鳳縣所屬黃牛鋪一帶被陶茂林擊敗亦竄郿縣
現飭派親兵英毅各營前往剿辦免使該逆勾結又復蔓延惟
興安以下文報久梗迄未得其實在消息容俟探悉情形相機
辦理此次諸軍晝夜奔馳不避艱險五六日內連克堅城實屬
異常出力而湘果兩軍奮勇先驅勞績尤著應請先沛

恩施以示鼓勵總兵銜湖南補用副將蕭德揚毛尙陞總兵銜
四川補用副將劉厚基蕭舉臣升用總兵唐友勝總兵銜儘先
副將毛芳恆四川儘先卽補總兵曾克勝湖南卽補副將楊得
勝等八員均請交軍機處記名遇有總兵缺出請
旨簡放毛尙陞並請

劉中丞奏議卷二

五

賞加勇號記名總兵蕭餘勝譚獻定鍾玉勝等三員均請

賞給三代一品封典副將銜湖南卽補參將周東興儘先參將

彭基秀均請以副將儘先卽補並

賞加勇號四川儘先卽補遊擊李遂勝請免補參將以副將儘

先卽補並

賞加勇號卽選同知直隸州知州蕭德綱請以知府不論雙單

月儘先前選用並

賞戴花翎卽選訓導劉占鼇請免選本班以知縣不論雙單月

儘先前選用並

賞加同知銜卽選府經歷柳良材請免選本班以知縣不論雙

單月儘先卽選並

賞加知州銜代理城固縣候選知縣張開鑿前因城固失守經
臣奏參革職留營此次督團進剿隨同克復尙屬深知愧奮應
請開復原參處分免繳捐復銀兩至記名提督何勝必蕭慶高
指揮諸軍當機立應用能連克兩城該二員官階較大應何如
獎勵以昭激勸之處出自逾格

鴻恩其餘在事出力文武員弁容俟臣查核後會同四川督臣
駱秉章開摺分別奏請

獎敘除飭地方文武妥籌善後事宜另摺陳奏外所有官軍大
破上元觀連克城固洋縣兩城各緣由理合會同四川督臣駱

秉章由驛馳

劉中丞奏議二

三

奏伏乞

皇太后

皇上聖鑒訓示施行謹

奏

劉中丞奏議卷二終

